

華精學文國中

戰國策精華

冊下

834

62
50

註冊商標



民國二十六年三月印刷
民國二十六年三月發行

中國文學精華

戰國策精華（全二冊）

◎ 實價國幣四角五分

（郵遞匯費另加）

編輯者 中華書局

發行者 中華書局有限公司

代理人 路錫三

印刷者 上海中華書局印刷所

中華書局有限公司

總發行處 上海福州路

分發行處 各埠 中華書局

(新文藝叢書之二)

金絲籠

陳楚淮著 五角半

本書包含下列各劇：

○金絲籠，寫婚姻上新舊思想之衝突；

○藥，寫貧民受壓迫的慘狀與犯罪的動機；

○革菲君，寫一個清白女子，受物質的誘惑而墮落，良心叫她殺死仇人；

○幸福的欄杆，寫一個幸福家庭，被一個受惠的朋友所破壞。

孫復工編 七角五分

中華戲曲選

本書所選戲曲，均為元、明、清三代之代表作，除坊間有單行本的如西廂記，琵琶記，長生殿，桃花扇等概未採入外，所有三代名劇，搜羅靡遺。計有：漢宮秋，賣娥冤，梧桐雨，倩女離魂，揚州夢，雌木蘭，再生緣，洛水悲，昭君出塞，團花鳳，四絃秋等戲曲，悉為元以來傑作，膾炙人口者。篇首又分述中國戲曲之淵源，元之南北曲及明清時代的戲曲概觀，至為詳盡。

(新中華叢書
文藝叢刊之二)

屠戶

熊佛西著 二角

這是一齣三幕劇，通篇是具體的，不是抽象的，劇中借屠夫的名字，描寫他在現時農村破產的當兒，以重利盤剝鄉民，並且利用無知農民好訟的惡習，從中漁利，但結果鄉民却從水深火熱中覺悟過來，那萬惡的屠夫，終於受到了公理的制裁。

本劇是一個描寫婚姻痛苦家庭黑暗的劇本，著者的意思，在衝破這種痛苦與黑暗，以求人類的光明與幸福。全劇凡三幕，幕幕緊張動人。

青春的夢

少年中國學會叢書之一

張聞天著 二角五分

本書是一個描寫婚姻痛苦家庭黑暗的劇本，著者的意思，在衝破這種痛苦與黑暗，以求人類的光明與幸福。全劇凡三幕，幕幕緊張動人。

中華書局出版



現代戲劇

中華書局

從清晨到夜半

Georg Kaiser: Von Morgens bis Mitternachts 梁鎮譯

季華斯及其指環

Friedrich Hebbel: Gyges und Sein Ring 毛秋山譯

渾沌

Heinrich Von Kleist: Prinz Von Homburg 實售三角五分

日本戲曲集

山本有三等著 章克標譯

武者小路實篤戲曲集

崔萬秋譯

孤獨之魂

崔萬秋譯

妹妹

武者小路實篤著 周白棣譯

人 的 生 活

武者小路實篤著 李宗武譯

菊池寛戲曲集

毛詠裳譯

梅特林劇曲選集

Maurice Maeterlinck: Théâtre de Maeterlinck 實售四角

吃耳光底人

Leond Andreyev: He Who Gets Slapped 實售四角

卡利浦之月

[英漢對照] 錢歌川譯註 實售四角五分

琪琪

Eugene G. O'Neill: The Moon of the Caribees 實售五角

俄國

Gabriele D'annunzio: Gioconda 實售一角

虛心的人

H. J. Buthuis: Marita en Split 實售一角

梁鎮譯

實售三角五分

實售三角五分

實售八角

實售七角

實售五角

實售四角

實售四角

實售六角

實售八角

實售五角

實售四角

實售六角

實售八角

實售五角

實售五角

實售五角

實售五角

實售五角

實售五角

實售二角

實售一角

實售一角

中華書局出版



▼現代文學叢刊之一

日本戲曲集

山本有二等著

一冊八角

章克標譯

本書是根據日本春陽堂版「日本戲曲集」譯出的。計有岡本綺堂的「修善寺物語」，中村吉藏的「星亭」，山本有三的「同志」，小山内薰的「第一世界」，久米正雄的「武阿隈心中」，久保田萬太郎的「短衣」等六篇，都是他們的匠心傑作，盛極一時的戲劇。出演於舞臺，無不博得觀眾的讚賞，譯文亦流利明白。凡是愛好戲劇及有志研究文學的青年，不可不讀。

▼現代戲劇選刊之一

菊池寛戲曲集

黃九如譯

一冊 六角

本書內容包括：「藤十郎的懸」，係描寫名伶藤十郎致力於舞台上表演之技術，而與一單純之婦人唱唱情話，使觀眾領悟調戲人妻之情緒。「玄宗的心情」，係寫馬嵬坡楊貴妃死後，由極度的哀痛而轉入於解脫之心理的經過。「義民甚兵衛」，係寫全村臨難之際，甚兵衛挺身自首，以解大眾之危。「丸橋忠彌」，則係描寫日本武士風度，即丸橋與其同黨謀起義，忽因事與盟友絕裂，醉中竟暴露其密謀，及至酒醒，悔恨莫及，矢口否認前言，已屬無濟於事，遂與官軍作殊死戰，終因力竭而就縛。全書譯文生動流利，堪稱大眾文學之傑構。

中華書局出版

各種尺牘

社會交際頻繁，通情達懷，端賴尺牘。

下列各書，程度有淺有深，文言語體成

備。或供模範，或資參考，各適其用。

中華書局發行

中華初等尺牘	一冊八分	詳通用婦女尺牘	二冊三角
白話學生尺牘	一冊一角五分	古今尺牘大觀	上中編各十二冊各一元九角六角
白話商業尺牘	一冊一角五分	分類歷代尺牘選粹	下編十六冊各一元六角
語體新尺牘	一冊四角五分	左文襄公家書	精裝一冊二元六角
中華商業尺牘	三冊二角五分	實用尺牘大全	並裝四冊一元六角
農工商尺牘教本	一冊一角二分	最中華尺牘大全	精裝三冊一元二角
註中華普通學生尺牘	三冊一角	最中華尺牘大全答函	並裝三冊一角五分
釋註中華高等學生尺牘	二冊三角	書信構造法	一冊一角五分
群註通用尺牘	四冊四角五分		
中華女子尺牘	二冊二角		
中華應用文件大全	八角九角五分	尺牘釋例	布面精裝一冊

戰國策精華 卷一

趙

肅侯

蘇秦始以合從說趙

蘇秦從燕之趙，始合從說趙王曰：「天下之卿相人臣，乃至布衣之士，莫不高賢大王之行義，皆願奉教陳忠於前之日久矣。雖然，奉陽君妬，大王不得任事，是以外疏賓客遊談之士，無敢盡忠於前者。今奉陽君捐館舍，大王乃今然後得與士民相親，臣故敢進其愚忠。」

爲大王計，莫若安民無事，請無庸有爲也。安民之本，在於擇交，與終趙王身。擇交而得則民安，擇交不得則民終身不得安。

蘇秦始以合從說趙

齊秦爲兩敵，爲趙敵。而民不得安，倚秦攻齊，而民不得安；故夫謀人之主，伐人之國，常苦出辭，苦言其力。斷絕人之交，橫人盡然。願大王慎無出於口也，請屏左右，白言所以異陰陽而已矣。陰言事止

有兩端，指從橫。

大王誠能聽臣，燕必致鼂裘狗馬之地，齊必致海隅魚鹽之地，楚必致橘柚雲夢之地，韓魏皆可使致封地封內之地。湯沐之邑，貴戚

父兄，皆可以受封侯。夫割地效實，如鼂裘之類。五霸之所以覆軍禽將而求也；封侯貴戚，湯武之所以放殺而爭也；今大王垂拱而兩有之，是臣之所以爲大王願也。

大王與秦，則秦必弱韓魏；與齊，則齊必弱楚魏；魏弱，則割河外；韓弱，則效宜陽；以與秦。宜陽效，則上郡絕；河外割，則道不通；楚弱，則無援，此三策者，不可不熟計也！夫秦下輶道，則南陽動，劫韓包周，則趙自銷鑠，據衛取淇，則齊必入朝，秦欲已得行於山東，則必舉甲而向趙，秦甲涉

河踰漳據番吾，則必戰於邯鄲之下矣，此臣之所以爲大王患也。

當今之時，山東之建國莫如趙強，趙地方二千里，帶甲數十萬，車千乘，騎萬匹，粟支十年，西有常山，南有河漳，東有清河，北有燕國，燕固弱國，不足畏也。且秦之所畏害於天下者，莫如趙。畏趙害已 然而秦不敢

舉兵甲而伐趙者，何也？畏韓魏之議其後也。然則韓魏趙之南蔽也，秦之攻韓魏也，則不然，無有名山大川之限，稍稍蠶食之，傳附同之國都

而止矣。韓魏不能支秦，必入臣於秦，秦無韓魏之隔，禍必中於趙矣，此臣之所以爲大王患也。

臣聞堯無三夫之分，舜無咫尺之地，以有天下；禹無百人之聚，以王諸侯；湯武之卒不過三千人，車不過三百乘，而爲天子，誠得其道也。是故明主外料其敵國之強弱，內度其士卒之衆寡，賢與不肖，不待兩軍相當，而勝敗存亡之機節，節目 固已見於胸中矣，豈掩於衆人之言，

而以冥冥決事哉！臣竊以天下地圖案之，諸侯之地，五倍於秦；料諸侯之卒，十倍於秦。六國并力爲一，西面而攻秦，秦破必矣。今西面而事之，見臣於秦，夫破人之與破於人也，臣人之與臣於人也，豈可同日而言之哉！夫橫人者，皆欲割諸侯之地以與秦成，與秦成則高臺榭，美宮室，聽竽笙琴瑟之音，察五味之和，前有軒轅稱軒轅象後宮。後有長庭，美人巧笑，卒有秦患而不與其憂。是故橫人日夜務以秦權恐喝諸侯，以求割地，願大王之熟計之也！

臣聞明主絕疑去讒，屏流言之迹，塞朋黨之門，故尊主廣地強兵之計，臣得陳忠於前矣。故竊爲大王計，莫如一韓魏齊楚燕趙六國，從親以儻畔秦，令天下之將相，相與會於洹水之上，通質刑白馬以盟之，約曰：『秦攻楚，齊魏各出銳師以佐之；韓絕食道，趙涉河漳，燕守常山之北；秦攻韓魏，則楚絕其後；齊出銳師以佐之；趙涉河漳，燕守雲中；秦圖秦，不言所以合從之說，僅以

攻齊，則楚絕其後，韓守成皋，魏塞午道，趙涉河漳博關，燕出銳師以佐之；秦攻燕，則趙守常山，楚軍武關，齊涉渤海，韓魏出銳師以佐之；秦攻趙，則韓軍宜陽，楚軍武關，魏軍河外，齊涉渤海，燕出銳師以佐之；諸侯有先背約者，五國共伐之。」六國從親以賓秦，秦必不敢出兵於函谷關，以害山東矣，如是則霸業成矣。」趙王曰：「寡人年少，莅國之日淺，未嘗得聞社稷之長計，今上客有意存天下，安諸侯，寡人敬以國從！」乃封蘇秦爲武安君，飾車百乘，黃金千鎰，白璧百雙，錦繡千純，以約諸侯。

武靈王

張儀以連衡說趙

張儀爲秦連橫，說趙王曰：「敝邑秦王使臣，敢獻書於大王御史；

蘇秦始以合從說趙，張儀以連衡說趙

亦游辭也。

言此不敢斥王。

大王收率天下以備秦，秦兵不敢出函谷關十五年矣，大王

之威，行於天下。山東敝邑恐懼，憚伏，繕甲厲兵，飾車騎，習馳射，力田積

粟，守四封之內，愁居憚處，不敢動搖，惟大王有意督責過之也。

因畏趙而飭兵故。

今秦以

大王之力，西舉巴蜀，并漢中，東收兩周，而西遷九鼎，守白馬

之津，秦雖僻遠，然而心忿悵含怒之日久矣；今寡君有敝甲鈍兵，軍於

澠池，願渡河踰漳，據番吾，迎戰邯鄲之下，願以甲子之日合戰，以正殷

紂之事，敬使臣先以聞於左右。

凡大王之所信以爲從者，恃蘇秦之計，秦熒猶眩。惑諸侯，以是爲

非，以非爲是，欲反覆齊國而不能，自令車裂於齊之市，夫天下之不可

一亦明矣。今楚與秦爲昆弟之國，而韓魏稱爲東藩，齊獻魚鹽之地，此

斷趙之右臂也；夫斷右臂而求與人鬪，失其黨而孤居，求欲無危，豈可得哉？今秦發三將軍：一軍塞午道，告齊，使興師渡清河，軍於邯鄲之東，

趙爲從盟主，故儀說之與齊楚異。

一軍軍於成皋，敵韓魏而軍於河外，一軍軍於澠池，約曰：「四國爲一以攻趙，破趙而四分其地。」是故不敢匿意隱情，先以聞於左右。臣切爲大王計，莫如與秦遇於澠池，面相見而身相結也。臣請案兵無攻，願大王之定計！」

趙王曰：「先王之時，奉陽君相，專權擅勢，蔽晦先王，獨制官事，寡人宮居，屬於師傅，不得與國謀；先王棄羣臣，寡人年少，奉祠祭之日淺，私心固竊疑焉，以爲一從不事秦，非國之長利也，乃且願變心易慮，剖地謝前過以事秦，方將約車趨行，而適聞使者之明詔。」於是乃以車二百乘，入朝澠池，割河閒以事秦。

武靈王欲胡服騎射

武靈王平晝閒居，肥義

趙相餘並公族

侍坐，曰：「王慮世事之變，權甲

張儀以連衡說趙 武靈王欲胡服騎射

節一作名。

兵之用，念簡襄之迹，計胡狄之利？」王曰：「嗣立不忘先德，君之道也；錯猶委。質務明主之長臣之論也；是以賢君靜而有道民便事之教，動而有明古先猶高。世之功爲人臣者，窮有弟長辭讓之節，通有補民益主之業，此兩者，君臣之分也。今吾欲繼襄王之業，啟胡翟之鄉，而卒世不見也。言沒世無能察此。敵弱者，弱爲胡翟。用力少而功多，可以無盡百姓之勞，而享往古之勳；夫有高世之功者，必負遺俗之累；不與俗同俗所遺也。有獨智之慮者，必被庶人之恐；所謂黎元懼焉。今吾將胡服騎射以教百姓，而世必議寡人矣。」肥義曰：「臣聞之，疑事無功，疑行無名。今王卽定負遺俗之慮，自定於心，不爲俗移。殆毋顧天下之議矣。夫論至德者，不和於俗；成大功者，不謀於衆。昔舜舞有苗，而禹袒入裸國，非以養欲而樂志也，欲以論德而要功也；愚者暗於成事，智者見於未萌，王其遂行之！」王曰：「寡人非疑胡服也，吾恐天下笑之；狂夫之樂，智者哀焉；愚者之笑，賢者戚

焉；以此異趣，知俗必見遺。世有順我者，則胡服之功，未可知也；雖歎世以笑我，

胡地中山，我必有之。」

應前胡狄之鄉，所謂成大功者，不謀於衆。

王遂胡服。

使王孫繅告公子成曰：「寡人胡服，且將以朝，亦欲叔之服之也；家聽於親，國聽於君，古今之公行也；子不反親，臣不逆主，先王之通誼也；今寡人作教易服，而叔不服，吾恐天下議之也。夫制國有常，而利民爲本；從政有經，而令行爲上；故明德在於論賤，猶舉賢行政在於信貴。貴者先信之。今胡服之意，非以養欲而樂志也，事有所出，功有所止，猶至事成功立，然後德可見也。今寡人恐叔叔字疑衍，逆從政之經，以輔公叔之議；與之論此，所以輔之。且寡人聞之，事利國者，行無邪；因貴戚者，名不累；故寡人願慕公叔之義，以成胡服之功，使繅謁之，叔請服焉！」公子成再拜曰：「臣固聞王之胡服也，不佞寢疾，不能趨走，是以不先進，王今命之，臣固敢竭其愚忠！臣聞之中國者，聰明睿智之所居也，萬物財貨之所

聚也，賢聖之所教也，仁義之所施也，詩書禮樂之所用也，異敏技藝之所試也，遠方之所觀赴也，蠻夷之所義行也。以中國爲有義有行，自中國者至此似周官大司徒文。今王釋此而襲遠方之服，變古之教，易古之道，逆人之心，畔學者，離中國，臣願大王圖之！」

使者報王，王曰：「吾固聞叔之病也。」卽之公叔成家，自請之曰：「夫服者，所以便用也；禮者，所以便事也；是以聖人觀其鄉而順宜，因其事而制禮，所以利其民而厚其國也。被髮文身，錯臂左衽，甌越之民也；黑齒雕題，鯢冠秫縫，鯢，大蛇，以其皮爲冠。秫，蒸穀也。言女工之拙。大吳之國也；禮服不同，其便一也。是以鄉異而用變，事異而禮易；是故聖人苟可以利其民，不一其用，果可以便其事，不同其禮。儒者一師而禮異，中國同俗而教離，又況山谷之便乎！故去就之變智者不能一，遠近之服，賢聖不能同；窮鄉多異，異俗。曲學多辯，不知而不疑，言各不知其異，而不言之。異於已而不非，

者，公於求善也。今卿之所言者，俗也；吾之所言者，所以制俗也。今吾國東有河、薄、洛之水，與齊、中山同之，而無舟檝之用，自常山以至代上黨，東有燕、東胡之境，西有樓煩、秦、韓之邊，而無騎射之備，故寡人且聚舟檣之用，求水居之民，以守河、薄、洛之水，變服騎射，以備燕、東胡、樓煩、秦、韓之邊。且昔者簡主不塞晉陽以及上黨不塞者，志在遠略。而襄王兼戎取代以攘諸胡，此愚智之所明也。先時中山負齊之強兵，侵掠吾地，係累吾民，引水圍鄗，非社稷之神靈，卽鄗幾不守，先王忿之，其怨未能報也。今騎射之服，近可以備上黨之形，遠可以報中山之怨，而叔也順中國之俗，以逆簡襄之意，惡變服之名，而忘國事之恥，非寡人所望於子！」公子成再拜稽首曰：「臣愚不達於王之議，敢道世俗之聞，今欲繼簡襄之意，以順先王之志，臣敢不聽令再拜！」乃賜胡服。

趙文進諫曰：「農夫勞力，而君子養焉，政之經也；愚者陳意，而智

者論焉，教之道也；臣無隱忠，君無蔽言，國之祿_{猶福。}也；臣雖愚，願竭其忠。」王曰：「慮無侵擾，_{能定慮則不亂於物。}忠無過罪，子其言乎？」趙文曰：當

猶順。

世輔俗，古之道也；衣服有常，禮之制也；循法無愆，民之職也；三者，先聖之所以教今君釋此，而襲遠方之俗，變古之教，易古之道，故臣願

王之圖之！」王曰：

「卿言世俗之閒，_{所言不能出俗。}

常民溺於習俗，學者沈

於所聞，此兩者所以成官而順政也，非所以觀遠而論始也。且夫三代不同服而王，五霸不同教而政，智者作教，而愚者制焉；賢者議俗，不肖者拘焉。夫制於服之民，_{爲上所制而服從者。}不足與論心，拘於俗之衆，不足與致意；故勢與俗化，而禮與變俱，聖人之道也；承教而動，循法無私，民之職也。知學之人，能與聞遷，_{有所聞，則改前之爲。}達於禮之變，能與時化，故爲己者不待人制；今者不法古，子其釋之！」

趙造諫曰：「隱忠不竭，奸之屬也；以私誣國，賤之類也；

_{賤爲輕國。}

犯

奸者身死，賤國者族宗，有此兩者，先王之明刑，臣下之大罪也。臣雖愚，願盡其忠，無遁其死！」王曰：「竭意不讓，忠也；上無蔽言，明也；忠不辟危，明不距人，子其言乎？」趙造曰：「臣聞之，聖人不易民而教，智者不變俗而動。因民而教者，不勞而成功；據俗而動者，慮徑而易見也。今王易初不循俗，胡服不顧世，非所以教民而成禮也。且服奇者志淫，俗僻者亂民，是以莅國者不襲奇僻之服，中國不近蠻夷之行，非所以教民而成禮者也。且循法無過，修禮無邪，臣願王之圖之！」王曰：「古今不同俗，何古之法？帝王不相襲，何禮之循？於世施禮虞羲神農教而不誅，黃帝堯舜誅而不怒。及至三王，觀時而制法，因事而制禮，法度制令各順其宜；衣服器械各便其用，故禮世不一其道，便國不必法古。聖人之興也，不相襲而王；夏殷之衰也，不易禮而滅；然則反古未可非，而循禮未足多也。且服奇而志淫，是鄒魯無奇行也；俗僻而民易，是吳越無

俊民也；

鄭魯好長綉，是奇服也，而乃有孔門顏冉之屬，方俗僻陋如吳越，宜人皆改易，而乃有季札大夫種之屬。是

以聖人利身之謂服，便事之謂教，進退之謂節，衣服之謂制，所以齊常民，非所以論賢者也；此謂進退以下。故聖與俗流，賢與變俱。諺曰：『以書爲御者，不盡馬之情；以古制今者，不達事之變。』故循法之功，不足以高世法古之學，不足以制今。子其勿反也！

衛鞅趙武靈所稱：民不可慮始，治不必根襲者，初

不全非，但所以行是言者悖耳。商君傳語策有之，唯民不可與慮始，而可與樂成，語不襲而用其意也。商君傳文法而飾，策文錯以他語，奇而肆，可以參觀。漢韓安國王恢議伐匈奴，辯難之辭類此，亦間采其數語。

武靈王使周紹胡服以博王子

王立周紹爲傅，曰：『寡人始行縣，過番吾，當子爲子之時，踐石以上者，踐石，謂能騎乘者，石乘馬石也。皆道子之孝，故寡人問子以璧，問以禮遺之。遺子以酒食，而求見子，子謁病而辭。人有言子者曰：『父之孝子，君之忠臣也。』』

故寡人以子之智慮，爲辯足以道人，危足以持難，有危苦之節，忠可以寫意，信可以遠期。諺云：「服難以勇，治亂以智，事之計也；立傳以行，教少以學，義之經也；循計之事，先計而順行之。佚而不累，訪齊也。議之行，窮而不憂。」窮言盡事之情。故寡人欲子之胡服以傳王子。周紹曰：「王失論矣，非賤臣所敢任也！」王曰：「選子莫若父，論臣莫若君，君寡人也。」

周紹曰：「立傳之道六。」王曰：「六者何也？」周紹曰：「智慮不躁達於辯，身行寬惠達於禮，威嚴不足以易於位，重利不足以變其心，恭於教而不快，縱逸。和於下而不危，六者，傳之才，而臣無一焉。隱中不謁，隱，自匿也。中，謂情實。臣之罪也。傳命僕猶辱。官以煩有司，立傳而令之辱官，以煩有司之變。吏之恥也。王請更論！」王曰：「知此六者，所以使子。」周紹曰：「乃國未通於王之胡服。雖然，臣、王之臣也，而王重命之，臣敢不聽令乎！」

再拜，賜胡服。王曰：「寡人以王子爲子任，師傳之官。欲子之厚愛之，無所

見醜，御道之以行義，勿令溺苦於學；

言厚愛以教之，無使見惡事，御道以行義，勿令溺苦於師

習之末也。

事君者，順其意，不逆其志；事先

先君

者，明其高，不倍其孤；故有

臣可命，其國之祿也。子能行是，所以事寡人者畢矣！書云：

去邪勿疑，

任賢勿貳。寡人與子，不用人矣！」遂賜周紹胡服，衣冠具帶，

帶飾之備。

黃金師比，

漢書：黃金犀比，師古云：胡帶之飾也。

以傅王子。

牛贊諫趙王破原陽爲騎邑

王破原陽以爲騎邑，

破散步卒他所而居騎士於此。

牛贊

趙人

進諫曰：「國有

固籍，

固

昔不變

變

籍令甲。

兵有常經，變籍則亂，失經則弱，今王破原陽以爲騎

邑，是變籍而棄經也；且習其兵者輕其敵，

習於敵人之兵，則玩而易之。

便其用者

此皆本國械用。易其難，今民便其用而王變之，是損君而弱國也。故利不百

者不變俗，功不什者不易器，今王破卒散兵，以奉騎射，臣恐其攻獲之

利，不如所失之費也。」王曰：「古今異利，遠近易用，陰陽不同道，四時不一宜。故賢者觀時猶俗而不觀於時，制兵而不制於兵，子知官府之籍，不知器械之利；知兵甲之用，不知陰陽之宜。趙居胡之南陽也，欲攻胡而用趙兵，非其宜也。故兵不當於用，何兵之不可易？教不便於事，何俗之不可變？昔者

先君襄王與代交接地，城境封之，築城境上爲之封域。

名曰無窮之門，所以詔

後而期遠也。今重甲循兵，循、行也，言被重甲，執兵而行，不若胡服騎射之便利。不可以踰險；

仁義道德不可以來朝；言胡。

吾聞信不棄功，智不遺時，今予以官府之

籍，亂寡人之事，非子所知。」牛贊再拜稽首曰：「臣敢不聽令乎！」至

遂胡服，率騎入胡，出於遺遺之門，踰九限之固，絕五徑之險，至胡中，辟地千里。

或說趙合韓魏以弱秦

會甚痛切。

謂趙王曰：「三晉合而秦弱，三晉離而秦強，此天下之所明也。秦之有燕而伐趙，有趙而伐燕，有梁而伐趙，有趙而伐梁，有楚而伐韓，有韓而伐楚，此天下之所明見也。然山東不能易其路，易橫秦之道以合從。兵弱也，弱而不能相一，是何秦之智，山東之愚也。是臣所爲山東之憂也。虎將卽禽，走獸總名。禽不知虎之卽己也而相鬪，兩罷而歸其死於虎，故使禽知虎之卽己，決不相鬪矣。今山東之主，不知秦之卽己也，而尙相鬪，兩敝而歸其國於秦，智不如禽遠矣，願王熟慮之也！」

今事有可急者，秦之欲伐韓、梁，東闕於周室甚，惟寐忘之。今南攻楚者，惡三晉之大合也。楚強晉弱，先攻其強，則弱者沮不敢合楚。今攻楚，休而復之，兵已罷而復攻。已五年矣，攘地千餘里，今謂楚王，懷苟來舉玉趾而見寡人，必與楚爲兄弟之國，必爲楚攻韓、梁，反楚之故地，楚王美秦之語，怒韓、梁之不救己，必入於秦，秦有謀，故發使之趙，以燕餌趙。言欲與趙攻燕。而離三

以上論從橫之
利害甚當。

晉韓魏時不合秦而趙合之必不善趙。今王美秦之言而欲攻燕，攻燕食未飽而禍已及矣。楚王入秦，秦楚爲一，東面而攻韓，韓南無楚，北無趙，故不救韓，亦離三晉之策也。韓不待伐，割挈馬兔而西走，割地掣而走秦，疾於馬兔。秦與韓

爲上交，秦禍安移於梁矣。安言不勞。以秦之強，有楚韓之用，梁不待伐，割

秦視趙在其割地掣而走秦，疾於馬兔。

挈馬兔而西走，秦與梁爲上交，秦禍案安同。環中一作移於趙矣。

度內如物在環中。以強秦之有韓梁楚，與燕之怒，秦有三國，趙之患也，燕又怒之。割必深矣，

秦割趙地。國之舉此，趙國行此。臣之所爲來臣故曰，事有可急爲者。

及楚王之未入也，三晉相親相堅，出銳師以戍韓梁西邊，楚王聞之，必不入秦，秦必怒而循攻楚，循前而攻。是秦禍不離楚也，便於三晉；若

楚王入秦，秦見三晉之大合而堅也，必不出楚王，恐其合晉。卽多割楚求出故。是秦禍不離楚也，有利於三晉，願王之熟計之也！急！

重言急以促之。趙王因起兵南伐山戎，或近秦，伐之以逼秦。戍韓梁之西邊，秦見三晉之堅也，果

不出楚王，而多求地。

惠文王

齊人欲說魏事齊

齊欲攻宋，秦令起賈禁之，齊乃援趙以伐宋。以趙自助。

秦王昭怒，屬

怨於趙。李兌約五國以伐秦，

韓趙魏燕齊也。

無功，留天下之兵於成皋，而陰

講於秦，又欲與秦攻魏，以解其怨而取封焉。

下文取陰定封。

魏王昭不說之。

齊人謂齊王曰：「臣爲足下謂魏王曰：『三晉皆有秦患，今之攻秦也，
爲趙也，本以秦屬怨於趙故。五國伐趙，此設詞也，言趙初約伐秦，今乃與秦講，若同伐趙，趙可亡也。趙

必亡矣，秦逐李兌，李兌必死，今之伐秦也，以救李子之死也。今趙留天
下之甲於成皋，而陰鬻之於秦，已講，則令秦攻魏以成其私封，王之事
趙也何得矣！且王嘗濟於漳，而身朝於邯鄲，抱陰成負嵩地缺，葛擊抱

負言其勞，陰成萬莫孽皆魏邑名。爲趙蔽，而趙無爲王行也，今又以河陽姑密封其子，兒子而乃令秦攻王以便取陰，陰即陶宋地。人比然而後知賢不，言人必以類

相比可知。

如王若用所以事趙之半收齊，天下有敢謀王者乎？

王之事齊

也，無入朝之辱，無割地之費，齊爲王之故，虛國

謂悉出兵。

於燕趙之前，用

兵於二千里之外，故攻城野戰，未嘗不爲王先被矢石也。得二都，割河

東，盡效之於王，自是之後，秦攻魏，齊未嘗不歲至於王之境也，請問王

之所以報齊者可乎？

韓珉處於趙，

珉下皆齊人之去齊者。

去齊三千里，王以此

疑齊，

珉處，意別有謂魏以其在趙，疑齊親趙。

曰：「有秦陰。」

疑齊親趙，因私於秦。

今王又挾

故薛公以爲相，善韓徐以爲上交，尊虞商以爲大客，王固可以反疑於

齊乎？」

用齊之所不善，失在魏也，安可疑齊？

於是魏王聽此言也甚詔，

此言此事自陳其說，魏之效謫辭塞也。

其欲事王

齊王。

也甚循，順也。臣願王之亟聞魏與魏相聞，而無庸見惡也。臣請爲王推其

怨於趙，移魏之怨。願王之陰重趙，而無使秦之見王之重趙也。秦見之，且

亦重趙，

天下得趙則強，使秦知齊重趙，恐齊強亦必重之。

齊秦交重，趙臣必見燕與韓魏亦

且重趙也，皆且無敢與趙治。猶校。

五國事趙，趙從親以合於秦，必爲王

高矣，言趙居齊上。臣故欲王之徧劫天下，而皆私甘之也。

梁晉之以威，而獨說之以言。

王使臣以韓魏與燕劫趙，使丹也甘之；

丹頤皆人名。以趙劫韓魏，此下皆且甘且劫。

使臣也甘之；以三晉劫秦，使順也甘之；以天下劫楚，使珉也甘之；則天

下皆偏秦以事王，言相與使迫秦也。而不敢相私也，交定而後王擇焉！」

蘇代爲齊說奉陽君

五國伐秦無功，罷於成皋，趙欲講於秦，楚與韓魏將應之，齊弗欲。

蘇代謂齊王曰：「臣已爲足下見奉陽君矣，臣謂奉陽君

乃趙之季弟，非蘇秦也。

曰：『天下散而爭秦，爭先事之。秦必據宋，魏冉必妬君之有陰也，秦

王貪，魏冉妬，則陰不可得已矣。君無講，齊必攻宋，齊攻宋，則楚必攻宋，魏必攻宋，燕趙助之，五國據宋，不至一二月，陰必得矣。得陰而講，秦雖有變，君無患矣。趙非不可以與秦講，而不可獨講，獨講則示秦弱，秦必輕之，今助四國攻宋而得陰，是五國爲一也，不懼秦矣。

若不得已而必講，據此時趙可以無講故云。則願五國復堅約，同伐秦也，先

伐後講，則不示弱。

五國願得趙，時趙強故。

足下雄飛，雄者衆雌所從。

與韓氏大吏東勉，

齊王必無名禁珉也。

正義曰：珉蓋韓人之善齊秦者，今代勸奉陽君合諸侯，與韓氏大吏勉齊王共合從，則齊必不召珉也。名字當作召，禁字衍。

使臣守約，若與國謂五國。

有倍約者，以四國攻之，無

倍約者，而秦侵敗約，五國復堅而儻之。

今韓魏與齊相疑也，若復不堅

約而講，臣恐與國之大亂也，齊秦非復合也，必有騎重者矣。

角一俯一仰曰騎，言有一重。

後合卽上復合。與騎重者，皆非趙之利也。

且天下散而事秦，是秦

制天下也，秦制天下，將何以天下爲？

天下自爲秦用，趙無所用之也。

臣願君之蚤計也。

天下爭秦有六舉：皆不利趙矣。天下爭秦，秦王昭受負海內之國，負字疑衍。
合負親之交，天下嘗橫而親秦矣，已而負之，今復合之。以據中國，而求利於三

此皆其國人之與秦事者，故秦納之。

復

秦王內韓珉於齊，內成陽君於韓，相魏懷於魏，此皆其國人之與秦事者，故秦納之。復
合衍，公孫衍時相魏，雅不善秦，今相懷，因使合之。交兩王，秦魏一云燕楚。王賁韓佗之曹，皆起

而行事，是秦之一舉也；秦行是計也，不利於趙，而君又不得陰，二矣。天下爭秦，秦王受齊受趙，三強三親，此三皆強國，自相親。以據猶臨，魏，而求安邑。是秦之一舉也；秦行是計，齊趙應之，魏不待伐，抱安邑而倍益也。言秦之勝趙以得魏之安邑。是秦之一舉也；秦行是計，不利於趙，而君必不得陰，三矣。天下爭

秦，秦堅燕趙之交以伐齊，收楚與韓珉而攻魏，珉自善於秦者，前時魏疑其有秦私，必不合於魏，故使之攻魏。
是秦之一舉也；秦行是計，而燕趙應之，燕趙伐齊，兵始

用，交鋒之初。秦因收楚而攻魏。三國交鋒，勢不得解，故得以此時收攻二國。不至一二月，魏

必破矣，秦舉安邑而塞女戟，韓之太原絕，下輶道南陽而伐魏，絕韓包

二周，卽趙自消燼矣，國燥猶爍於秦，兵分於齊，非趙之利也，而君終身

不得陰，四矣。天下爭秦，秦堅三晉之交攻齊，國破財屈，而兵東分於齊，

破屈分皆謂三晉。

秦按兵攻魏取安邑，

秦於是時，因三晉之敝，乃按伏其兵攻魏，以取安邑。

是秦之

一舉也；秦行是計也，君按安然救魏，是以攻齊之已敝救之，而與秦爭

戰也，君不救也，韓魏焉免西合，

韓魏不支，必合於秦。

國在謀之中，

在秦謀中。

而君

有猶义。終身不得陰，五矣。天下爭秦，秦按爲義，存亡繼絕，固危扶弱，定

無罪之君，必起中山與勝焉，秦起中山與勝，而趙宋同命，

宋小弱，趙失中山，聽命於秦，與宋同。

何暇言陰，六矣。故曰：君必無講，則陰必得矣。』奉陽君曰：『善。』

乃絕和於秦，而收齊魏，以成取陰。

蘇厲爲齊說趙王

趙收天下，且以伐齊。蘇厲爲齊上書，說趙王曰：「臣聞古之賢君，德行非施於海內也；教順慈愛，非布於萬民也；祭祀時享，非當於鬼神也；甘露降，風雨時，農夫登年穀豐盈，衆人善之，而賢主惡之。心不安也，以無以致之故。今足下功力謂戰伐。非數痛加於秦國，而怨毒積惡，非曾深陵於韓也。臣竊外聞大臣及下吏之議，皆言王前專據行之不疑。以秦爲愛趙而憎韓。臣竊以事觀之，秦豈得愛趙而憎韓哉？欲亡韓，吞兩周之地，故以韓爲餌。趙時惡韓，故秦以亡韓悅趙，遂以爲愛己也。先出聲於天下，欲鄰國聞而觀之也，觀其愛趙。恐其事不成，故出兵以佯示趙、魏，虛以伐韓示之。恐天下之驚覺，故微伐韓以貳猶疑。之，恐天下疑已，故出質以爲信，聲德於與國，而實伐空韓。實欲伐空虛之韓。臣竊觀其圖之也，議秦以謀計，必出於是。言擬議秦之爲計。

必出於此數者。

且夫說士之計，皆曰韓亡三川，魏滅晉國，是韓未窮而禍及

於趙。

三晉脣齒之國也。

且物固有勢異而患同者，又有勢同而患異者，昔者楚

人久伐而中山亡，

楚受秦伐，趙無秦患，故破中山滅之。

今燕盡齊之北地，

盡晉得地。

距沙

丘而至距鹿

趙地。

之界三百里，

自此晉近趙。

距於扞關，至於榆中

趙地。

五百里，秦盡韓魏之上黨，則地與國都

謂趙。

邦屬而壤摯者七百里，秦

以三軍強弩，坐羊腸之上，卽地去邯鄲二十里。且秦以三軍攻王之上

黨而危其北，則匱注之西，非王之有也，今踰匱注，禁常山而守

猶閉。

三

百里，通於唐曲逆

趙地。

此代馬胡駒不東

東或作畜。

而崑山之玉不出

也，此三寶者，又非王之有也，今從於強秦，與之伐齊，臣恐其禍出於是矣！

五國之主，

齊楚魏韓燕。

嘗合橫而謀伐趙，三分趙國壤地，著之盤盂，

晉

蘇厲爲齊說趙王

鄭同以兵說趙王

二七

得地盟於器也。

屬之讎柞，

相屬伐趙於醉之閒。

五國之兵有日矣，齊乃西師以禁

秦國，

止秦之伐。

使秦發令素服而聽，

兵敗以喪禮自居也。

反溫輒高平於魏，反三

公公字誤。

什清於趙，此王之明知也。

以上言齊德趙之事。

夫齊事趙宜爲上交，以

其有志爲趙閉秦。今乃以抵

抵、同當也。

罪取伐，臣恐其後事王者，不敢自必也。今

王收齊，天下必以王爲得齊，齊抱社稷以事王，天下必重王，然則齊義

王以天下就之，

趙得天下之交而屈就齊，故齊以爲義。

下至齊慕王以天下收之，

就之上

也，故收言下。是一世之命，制於王已，臣願大王深與左右羣臣，卒計而重謀，先事成慮而熟圖之也！」

鄭同以兵說趙王

鄭同鄭同，鄭人。北見趙王，趙王曰：「子南方之博士也，何以教之？」鄭同曰：「臣南方草鄙之人也，何足問！雖然，王致之於前，安敢不對乎？臣

少之時，親嘗教以兵。」趙王曰：「寡人不好兵。」鄭同因撫摩手仰天而笑之曰：「兵固天下之狙喜也，狙，屬而狡黠，言兵家如之而可喜。臣故意大王不好也。臣亦嘗以兵說魏昭王，昭王亦曰：『寡人不喜。』臣曰：『王之行，能如許由乎？許由無天下之累，故不愛也。今王旣受先王之傳，欲宗廟之安，壞地不削，社稷之血食乎！』王曰：『然。』此下同對。今有人操隋侯之珠，持下脫二字。丘之環，萬金之財，時宿於野，內無孟賁之威，荆慶之斷，外無弓弩之禦，不出宿夕，人必危之矣。今有強貪之國，臨王之境，索王之地，告以理，則不可；說以義，則不聽；王非戰國守圉亦守。之具，其何以當之？王若無兵，鄰國得志矣。」趙王曰：「寡人請奉教！」

趙奢料安平君

燕封宋人榮菴爲高陽君，使將而攻趙，趙王因割濟東三城，合盧、

鄭同以兵說趙王 趙奢料安平君

高唐平原陵地，城市邑五十七，命以與齊，而以求安平君而將之。馬服君謂平原君曰：「國奚無人甚哉！君致安平君而將之，乃割濟東三城，合城市邑五十七以與齊。此夫子與敵國戰，覆軍殺將之所取割地於敵國者也。此取之彼割之也。今君以此與齊，而求安平君而將之，國奚無人甚哉！且君奚不將奢也？奢嘗抵罪居燕，燕以奢爲上谷守，燕之通谷要塞，奢習知之，百日之內，天下之兵未聚，奢已舉燕矣。然則君奚求安平君而爲將乎？」平原君曰：「將軍釋之矣。僕已言之僕主矣，僕主幸以聽僕也，將軍無言已。」

馬服君曰：「君過矣。君之所以求安平君者，以齊之於燕也，茹肝涉血之仇耶！謂卽墨之役。其於奢也不然。奢以爲不然。使安平君愚，固不能當榮，使安平君智，又不肯與燕人戰，此兩言者，安平君必處一焉。雖然，兩者有一也，使安平君智，則奚以趙之強爲，趙強，則齊不復霸矣。今得強

趙之兵以杜_{猶拒。}燕將曠日持久，數歲，令士大夫餘子之力，盡於溝壘，車甲羽毛_{剗裂。}敝府庫倉廩虛，兩國交以習之，_{言玩其兵。}乃引其兵而歸。夫盡兩國之兵，無明此者矣。」是軍也，懸釜而炊，得三城，城大無能過百雉者，果如馬服之言也。

田單與趙奢論兵

趙惠文王三十年，相平都君田單，問趙奢曰：「吾非不說將軍之兵法也，所以不服者，獨將軍之用衆。用衆者，使民不得耕作，糧食輓貨，不可給也；此坐而自破之道也，非單之所爲也。」單聞之，帝王之兵，所用者不過三萬，而天下服矣。今將軍必負_恃十萬二十萬之衆，乃用之，此單之所不服也。」

馬服君曰：「君非徒不達於兵也，又不明其時勢。」

兵則吳亡之驗，時勢則萬

國七國之異。

夫吳干之劍，肉試則斷牛馬，金試則截盤匜。薄猶迫。

之柱上而

擊之，則折爲三。質之石上而擊之，則碎爲百。今以三萬之衆，而應強國之兵，是薄柱擊石之謂也。且夫吳干之劍，材難材謂脊脾之類，不易得也。

夫無脊須之便，鈎頭鑽竿柄也。鑽耳鼻也。蒙須，疑爲劍繩。

操其刃而刺，則未入而手斷。君無十萬二十萬之衆，而爲此鈎竿鐸蒙須之便，而徒以三萬行於天下，君焉能乎？且古者四海之內，分爲萬國，城雖大，無過三百丈者，人雖衆，無過三千家者，而以集兵三萬團集。

距此，奚難哉！

今取古之爲萬國者，分以爲戰國七，不能具數十萬之兵，曠日持久數歲，卽君之齊已。卽下云齊以二十萬衆，攻荆五年之事。齊以二十萬之衆攻荆，五年乃罷。趙以二十萬之衆攻中山，五年乃歸。雖衆猶不亟得志。今者齊韓相方猶敵。而國圍攻焉，兩國或圍或攻。豈有敢曰我其以三萬救是者乎哉！今千

丈之城，萬家之邑，相望也。而索以三萬之衆，圍千丈之城，不存其一角。
曾不處城之一角。而野戰不足用也。既不能圍，亦不可戰。君將以此何之？」平都君喟然大息曰：「單不至也！」

孝成王

左師公託長安君爲質

趙太后趙文王威后。秦急攻之，趙氏求救於齊。齊曰：「必以長安君孝成母弟。爲質，兵乃出。」太后不肯，大臣強諫，太后明謂左右：「有復言令長安君爲質者，老婦必唾其面。」左師官名。觸讐願見太后，盛氣而揖之，入而徐趨，至而自謝曰：「老臣病足，曾不能疾走，不得見久矣。竊自恕，以病亦知太后不罪。恐太后玉體之有所郄也，郤，郤同，亦恐后不能前，蓋自恕以及人也，故願望見。」太后曰：「老婦恃輦而行。」曰：「日食飲得無衰乎？」

聞。善處人母子之

最有曲折。

曰：「恃粥耳。」曰：「老臣今者殊不欲食，乃自強步，日三四里，少益嗜食和於身。」曰：「老婦不能。」太后之色少解。

左師公曰：「老臣賤息舒祺，息字也。舒祺名也。最少不肖，而臣衰，竊愛憐之，願令補黑衣之數。黑衣戎服。故云衛王宮。以衛王宮沒死以聞！」沈淵無見之辭。

太后曰：「敬諾。年幾何矣？」對曰：「十五歲矣，雖少，願及未填溝壑而託之。」太后曰：「丈夫亦愛憐其少子乎？」對曰：「甚於婦人。」太后曰：「婦人異甚？」異於丈夫，而有甚焉。對曰：「老臣竊以爲媼之愛燕后，太后女。賢於長安君。」曰：「君過矣，不若長安君之甚。」左師公曰：「父母之愛子，則爲之計深遠，媼之送燕后也，持其踵爲之泣，念悲其遠也。念且悲。亦哀之矣，已行，非弗思也，祭祀必祝之，祝曰：『必勿使反！』豈非計久

長，有子孫，相繼爲王也哉？」太后曰：「然。」

左師公曰：「今三世以前，至於趙之爲趙，趙王之子孫侯者，其繼

既載左師之論，
又載子義之論，
亦一例也。

「有在者乎？」曰：「無有。」曰：「微獨趙諸侯有在者乎？」曰：「老婦不聞也。」此下左師對。「此其近者禍及身，遠者及其子孫，豈人主之子孫則必不善哉！位尊而無功，奉厚而無勞，而挾重器多也。重寶今媼尊長安之位，而封之以膏腴之地，多予之重器，而不及今令有功於國，一旦山陵崩，長安君何以自託於趙？老臣以媼爲長安君計短也，故以爲其愛不若燕后。」太后曰：「諾。恣君之所使之。」於是爲長安君約車百乘，質於齊，齊兵乃出。

子義趙之賢士。聞之，曰：「人主之子也，骨肉之親也，猶不能恃無功之尊，無勞之奉，以守金玉之重也，而況人臣乎？」

馮亭以上黨嫁禍於趙

秦王昭謂公子他曰：「昔歲殲下之事，韓爲中軍以與諸侯攻秦，

左師公託長安君爲質 馮亭以上黨嫁禍於趙

韓與秦接境壤界，其地不能千里，展轉不可約。日者秦楚戰於藍田，韓出銳師以佐秦，秦戰不利，因轉與楚，不固信盟，惟便是從。韓之在我心腹之疾，吾將伐之，何如？」公子他曰：「王出兵韓，軍於其地。韓必懼，懼則可以不戰而深取割。」王曰：「善。」乃起兵，一軍臨滎陽，一軍臨太行。

韓恐，使陽城君入謝於秦，請效上黨之地以爲和。令韓陽告上黨之守靳莊曰：「秦起二軍以臨韓，韓不能支，今王相惠。令韓興兵，恐守不效地故。以上黨入和於秦，使陽言之太守，太守其效之。」靳莊曰：「人有曰：『挈瓶之智，不失守器。』器爲瓶守之不失，則其人智矣。王則有令，而臣太守，雖王與子其亦猜焉。疑其不能守。臣請悉發守發所守之兵。以應秦，若不能卒，言戰敗不終事。則死之。」韓陽趨以報王，王曰：「吾始已諾於應侯矣，今不與，是欺之也。」乃使馮亭代靳莊。

馮亭守三十日，陰使人請趙王曰：「韓不能守上黨，且以與秦，其

民皆不欲爲秦而願爲趙，今有城市之邑七十，願拜內之於王，惟王才
裁同。之！」

趙王喜召平陽君趙豹而告之曰：

「韓不能守上黨，且以與秦，其吏民不欲爲秦而皆願爲趙，今馮亭令使者以與寡人，何如？」

趙豹對曰：「臣聞聖人甚禍無故之利。」王曰：「人懷吾義，何謂無故乎？」

對曰：「秦蠶食韓氏之地，中絕不令相通，故自以爲坐受上黨也。且夫韓之所以內趙者，欲嫁其禍也。秦被其勞，而趙受其利，雖強大不能得之於小弱，而小弱顧能得之强大乎？今王取之，可謂有故乎？且秦以牛田水通糧，牛田秦地，蓋近上黨者，因其水爲漕。其死士皆列之於上地，韓之上流。令嚴政行，不可與戰，王自圖之！」王大怒曰：「夫用百萬之衆，攻城踰年歷歲，未見一城也，今不用兵而得城七十，何故不爲！」

趙豹出，王召趙勝、趙禹而告之曰：「韓不能守上黨，今其守以與寡人，有城市之邑七十。」二人對曰：「用兵踰年，未見一城，今坐而得

城七十，此大利也。」乃使趙勝往受地。趙勝至曰：「敝邑之王，使使者臣勝告太守有詔。秦人語耳。使臣勝謂曰：請以三萬戶之都封太守，千戶封縣令，諸吏皆益爵三級。民能相集者，賜家六金。」馮亭垂涕而免辭也。曰：「是吾處三不義也：爲主守地，不能死而以與人，不義一也；主內之秦，不順主命，不義二也；賣主之地而食之。金、封戶也。不義三也。」辭封而入韓，謂韓王曰：「趙聞韓不能守上黨，今發兵已取之矣！」韓告秦曰：「趙起兵取上黨。」秦王怒，令公孫起、王齧以兵遇趙於長平。

樓緩說趙與秦城以講

秦攻趙於長平，大破之，引兵而歸，因使人索六城於趙而講。趙計未定，樓緩新從秦來，趙王與樓緩計之。曰：「與秦城何如？不與何如？」樓緩辭讓曰：「此非人臣之所能知也。」王曰：「雖然，試言公之私。」

樓緩曰：「王亦聞夫公甫文伯母乎？公甫文伯官於魯，病死，婦人爲之自殺於房中者二八，其母聞之不肯哭也。相室曰：『焉有子死而不哭者乎？』其母曰：『孔子賢人也，逐於魯，是人不隨，今死而婦人爲死者十六人，若是者，其於長者薄而於婦人厚。』故從母言之爲賢母也，從婦言之必不免爲妬婦也。故其言一也，言者異則人心變矣。今臣新從秦來，而言勿與，則非計也；言與之，則恐王以臣之爲秦也，故不敢對。使臣得爲王計之，不如予之。」王曰：「諾。」

虞卿聞之，入見王，王以樓緩言告之。虞卿曰：「此飾說也。」王曰：「何謂也？」虞卿曰：「秦之攻趙也，倦而歸乎？王以其力尙能進，愛王而不攻乎？」王曰：「秦之攻我也，不遺餘力矣，必以倦而歸也。」虞卿曰：「秦以其力，攻其所不能取，倦而歸，王又以其力之所不能攻而資之，是助秦自攻也。來年，秦復攻王，王無以救矣！」王以虞卿之言告樓

古今主和者率
如此。

緩。樓緩曰：「虞卿能盡知秦力之所至乎？」

此句猶言秦力豈止是已乎？

誠不知秦

力之所至，此彈丸之地，猶不予以令秦來年復攻，王得無割其內而講乎？」

王曰：「誠聽子割矣，子能必來年秦之不復攻我乎？」樓緩對曰：「此非臣之所以事秦，必不如韓魏也；今臣爲足下解負親之攻，

趙當親秦而

復負之，故秦攻之。啟關通幣，齊交韓魏，使其交秦與韓魏等。至來年而王獨不取於秦，

不爲秦所取。王之所以事秦者，必在韓魏之後也，此非臣之所以事秦也！」

王以樓緩之言告虞卿。虞卿曰：「樓緩言不講，來年秦復攻，王得

無更割其內而講，今講樓緩又不能必秦之不復攻也，雖割何益？來年復攻，又割其力之所不能取而講也，此自盡之術也，不如無講。秦雖善攻，不能取六城；趙雖不能守，亦不至失六城。秦倦而歸，兵必罷，我以六城收天下，以攻罷秦，是我失之於天下，而取償於秦也。吾國尚利孰與

坐而割地，自弱以強秦。今樓緩曰：「秦善韓魏而攻趙者，必王之事。秦不如韓魏也。」是使王歲以六城事秦也，卽坐而地盡矣，來年秦復求割地，王將予之乎？不予，則是棄前資而挑秦禍也，與之，則無地而給之。語曰：「強者善攻，而弱者不能自守。」今坐而聽秦，秦兵不敝而多得地，是強秦而弱趙也，以益強之秦，而割愈弱之趙，其計固不止矣！言割不止。

且秦虎狼之國也，無禮義之心，其求無已，而王之地有盡，以有盡之地，給無已之求，其勢必無趙矣。故曰：「此飾說也，王必勿與！」王曰：

「諾。」

樓緩聞之，入見於王，王又以虞卿之言告之。樓緩曰：「不然，虞卿得其一未得其二也。夫秦趙構難，而天下皆說，何也？曰：『我將因強而乘弱。』今趙兵困於秦，天下之賀戰勝者，則必在於秦矣，故不若亟割地求和，以疑天下，慰秦心，不然，天下將因秦之怒，乘趙之敝，而瓜分之，

趙且亡，何秦之圖！王以此斷之，勿復計也！」

虞卿聞之，又入見王曰：「危矣！樓子之爲秦也。爲秦計深而趙勢危。夫趙

與秦易道，言勝
在趙而不在秦

兵困於秦，又割地爲和，是愈疑天下，而何慰秦心哉？不亦大示天下弱乎？且臣曰：勿予者，非固勿予而已也。秦索六城於王，王以六城賂齊，齊、秦之深讎也，得王六城，并力而西擊秦也。齊之聽王，不待辭之畢也，是王失於齊，而取償於秦，一舉結三國之親。韓魏本趙與國與齊爲三。而與秦易道也。」趙王曰：「善。」因發虞卿東見齊王，王建與之謀秦。虞卿未反，秦之使者已在趙矣。樓緩聞之，逃去。當趙以四十萬覆於長平之下，凡趙庭之臣，孰不魄奪氣喪，願講秦以偷須臾之寧，獨爲之延慮卻顧，挫強秦之心，反使秦人先趙而講於此，亦足以見從者天下之勢。七國辯士，策必中，計必得，而不失其正，唯卿與陳軒有焉，賢矣哉！

魯仲連義不帝秦

秦圍趙之邯鄲，魏安釐王使將軍晉鄙救趙，畏秦，止於蕩陰不進。
魏王使客將軍辛垣衍，閒入邯鄲，因平原君謂趙王曰：「秦所以急圍趙者，前與齊閔王爭強爲帝；已而復歸帝，以齊故。田齊不稱，秦亦失之。今齊益弱。方今惟秦雄天下，此非必貪邯鄲，其意欲求爲帝。趙誠發使尊秦王爲帝，秦必喜，罷兵去。」平原君猶預未有所決。

昭
此時魯仲連適游趙，會秦圍趙，聞魏將欲令趙尊秦爲帝，乃見平原君曰：「事將奈何矣？」平原君曰：「勝也何敢言事！百萬之衆折於外，今又內圍邯鄲而不去；魏王使客將軍辛垣衍令趙帝秦。今其人於是，勝也何敢言事！」魯連曰：「始吾以君爲天下之賢公子也，吾乃今然後知君非天下之賢公子也。梁客辛垣衍安在？吾請爲君責而歸之。」平原君曰：「勝請爲召而見之於先生。」

平原君遂見辛垣衍曰：「東國有魯連先生，其人在此，勝請爲紹

介而見之於將軍。」辛垣衍曰：「吾聞魯連先生，齊國之高士也，衍人臣也，使事有職，吾不願見魯連先生也。」平原君曰：「勝已泄之矣。」辛垣衍許諾。

魯連見辛垣衍而無言。辛垣衍曰：「吾視居此圍城之中者，皆有求於平原君者也。今吾視先生之玉貌，非有求於平原君者，曷爲久居此圍城之中而不去也？」魯連曰：「世以鮑焦周之介士，無從容而死者，皆非也；今衆人不知，則爲一身。不知者，以其抱木死爲無以自養，不知其非世也，明日令皆然。後秦棄禮義而上首功之國也，權使其士，虜使其民，彼則肆然而爲帝過甚。而遂正於天下，則連有赴東海而死耳，吾不忍爲之民也；所爲見將軍者，欲以助趙也。」辛垣衍曰：「先生助之，奈何？」魯連曰：「吾將使梁及燕助之，齊楚固助之矣。」辛垣衍曰：「燕則吾請以從矣，若乃梁，則吾乃梁人也，先生惡能使梁助之耶？」魯連曰：「梁未睹秦稱帝之

於叱周者，亦以
不忍其求故耳。
然周以天子而
求於諸侯，亦事
之常無足怪者。
蓋謂趙之於秦
敵耳，尤當不忍
其求，而秦尤不
當求之于趙也。

害故也；使梁睹秦稱帝之害，則必助趙矣。」辛垣衍曰：「秦稱帝之害，
將奈何？」魯仲連曰：「昔齊威王嘗爲仁義矣，率天下諸侯而朝周，周
貧且微，諸侯莫朝，而齊獨朝之。居歲餘，周烈王崩，諸侯皆弔，齊後往，周
怒，赴於齊曰：『天崩地坼，天子下席，言寢苦居廬也。東藩之臣田嬰齊後至，
則斬之。』威王勃然怒曰：『叱嗟！脊也。而母婢也。』指烈王后。卒爲天下笑。
故生則朝周，死則叱之，誠不忍其求也。彼天子固猶必。然，其無足怪。」

昔天子當如此責諸侯。

激之。

重激之。

辛垣衍曰：「先生獨未見夫僕乎？十人而從一人者，寧力不勝，智
不若耶？畏之也。」魯仲連曰：「然梁之比於秦若僕耶？」辛垣衍曰：
「然。」魯仲連曰：「然則吾將使秦王烹醢梁王。」辛垣衍怏然不說曰：
「嘻，亦太甚矣，先生之言也！先生又惡能使秦王烹醢梁王？」

魯仲連曰：「固也，待吾言之。昔者鬼侯、鄂侯、文王，紂之三公也，鬼

魯仲連義不帝秦

侯有子而好，故入之於紂。紂以爲惡，醢鬼侯。鄂侯爭之急，辨之疾，故脯鄂侯。文王聞之，喟然而歎，故拘之於牖里之庫百日，而欲令之死。曷爲與人俱稱帝王，卒就脯醢之地也？齊閔王將之魯，夷維子執策而從，謂魯人曰：『子將何以待吾君？』魯人曰：『吾將以十太牢待子之君。』夷維子曰：『子安取禮而來待吾君？彼吾君者，天子也；天子巡狩，諸侯避舍，納筦鍵。筦、鑰也。鍵其牡避納者，示不敢有其國。攝衽抱几，視膳於堂下，天子已食，而聽退朝也。』魯人投其籥。同鑰，闕下牡也，投者下其鞋。不果納，不得入於魯。將之薛，假途於鄒。當是時，鄒君死，閔王欲入弔。夷維子謂鄒之孤曰：『天子弔，主人必將倍殯柩，設北面於南方，然後天子南面弔也。』鄒之羣臣曰：『必若此，吾將伏劍而死。』故不敢入於鄒。鄒魯之臣，生則不得事養，死則不得飯含。以珠玉實死者之口曰含，死不得行聘襚之禮，然齊欲行天子禮於鄒魯，其臣皆不果納，是猶不果納。言時君弱臣強，鄒魯君生時不得盡事養，死不得行聘襚之禮，然齊欲行天子禮於鄒魯，其臣皆不果納，是猶

乘禮而存大體也。今秦萬乘之國，梁亦萬乘之國，俱據萬乘之國，交有稱王之無已，無厭也。

前責以大義不動，至此利害切身，遽起拜謝，此當時人情之常，而孟子之言所易入也。

名睹其一戰而勝，欲從而帝之，是使三晉之大臣，不如鄒魯之僕妾也。且秦無已而帝，則且變易諸侯之大臣；彼將奪其所謂不肖，而予其所謂賢，奪其所憎，而與其所愛；彼又將使其子女讒妾爲諸侯妃姬，處梁之宮，梁王安得晏然而已乎？而將軍又何以得故寵乎？

於是辛垣衍起，再拜謝曰：「始以先生爲庸人，吾乃今日而知先生爲天下之士也。吾請去，不敢復言帝秦。」秦將聞之，爲卻軍五十里。適會公子無忌，奪晉鄙軍以救趙擊秦，秦軍引而去。

於是平原君欲封魯仲連，魯仲連辭讓者三，終不肯受。平原君乃置酒，酒酣，起前以千金爲魯連壽。魯連笑曰：「所貴於天下之士者，爲人排患釋難，解紛亂而無所取也；卽有所取者，是商賈之人也。仲連不忍爲也。」遂辭平原君而去，終身不復見。

馮忌諫平原君攻燕

平原君謂馮忌曰：「吾欲北伐上黨，出兵攻燕，何如？」馮忌對曰：「不可。夫以秦將武安君公孫起，乘七勝之威，勝趙而與馬服之子，戰於長平之下，大敗趙師，因以其餘兵，圍邯鄲之城，趙以亡敗之餘衆，收破軍之敝守，而秦罷於邯鄲之下，趙守而不可拔，然者，言所以然。以攻難而守者易也。今趙非有七克之威也，而燕非有長平之禍也。今七敗之禍未復，而欲以罷趙攻強燕，是使弱趙爲強秦之所以攻，而使強燕爲弱趙之所以守，而強秦以休兵承趙之敝，此乃強吳之所以亡，而弱越之所以霸，故臣未見燕之可攻也。」平原君曰：「善哉！」

平原君說平陽君

然則應侯之謝
相印，景獨悟蔡
澤之說，蓋魏半
有以啓其機也。

平原君謂平陽君曰：「公子車魏平。游於秦，且東歸魏，而辭應侯，應侯曰：『公子將行矣，獨無以教之乎？』」曰：『且微君之命命之也。臣固且有效於君，夫貴不與富期，而富至富不與梁肉期，而梁肉至梁肉不與驕奢期，而驕奢至；驕奢不與死亡期，而死亡至；累世以前，坐此者多矣。』應侯曰：『公子之所以教之者厚矣！僕得聞此，僕平原自稱。不忘於心。』願君之亦勿忘也。』平陽君曰：『敬諾。』

或說張相國重趙

說張相國董梁人相趙。董梁人相趙。

曰：「君安能少趙人，而令趙人多君，少多猶薄厚。君舉鴻毛以見膠膝。君安能憎趙人，而令趙人愛君乎？夫膠膝至黏也，而不能合遠鴻毛至輕也，而不能自舉；夫飄於清風，則橫行四海，故事有簡而功成者，因也。今趙萬乘之強國也，前漳滏，右常山，左河閒，北有代，帶甲百萬，

不可得，猶言不可知也。

首尾照應。

嘗抑強秦四十餘年，而秦不得所欲；由是觀之，趙之於天下也不輕。今君易萬乘之強趙，而慕思不可得之小梁，臣竊爲君不取也。」君曰：誤。」善！」自是之後，衆人廣坐之中，未嘗不言趙人之長者也，未嘗不言趙俗之善者也。

魏牟說趙王

建信君貴於趙，公子魏牟過趙，趙王迎之，顧反至坐，迎客而之有顧則反。前有尺帛，且令工人以爲冠，工見客來也，因避。趙王曰：「公子乃驅後車，幸以臨寡人，願聞所以爲天下。」魏牟曰：「王能重王之國，若比尺帛，則王之國大治矣。」趙王不說，形於顏色，曰：「先王不知寡人不肖，使奉社稷，豈敢輕國若此？」魏牟曰：「王無怒！請爲王說之。」曰：「王有此尺帛，何不令前郎中以爲冠？」王曰：「郎中不知爲冠。」魏牟曰：

「爲冠而敗之，奚虧於王之國，而王必待工而後乃使之。今爲天下之工，所與治國之人。或非也，社稷爲虛戾，先王不血食，而王不以予工，乃與幼艾；且王之先帝，駕犀首駕驂以御馬喻。而驂馬服，以與秦角逐，秦當時避其鋒。今王憧憧，往來不絕貌。乃輦建信以與強秦角逐，臣恐秦折王之輶也。」

輶、車旁也，以輶喻。

或說建信君

或謂建信君：「君之所以事王者色也；青趙人名。之所以事主者智也。色老而衰，智老而多，以日多之智，而逐衰惡之色，君必困矣。」建信君曰：「奈何？」曰：「並驥而走者五里而罷，乘驥而御之，不倦而取道多。君令青乘獨斷之車，不與分治。御獨斷之勢，以居邯鄲，令之內治國事，外刺諸侯，刺、音探候其事。則青之事有不言者矣；所治者多，不暇悉言於上。君因言王

而重責之，晉之軸令折矣。」不勝任。建信君再拜受命，入言於王，厚任晉以事，而重責之。未期年，而晉亡走矣。奸人之不可知甚矣！彼厚任以事，晉以爲不世之遇，殫力畢慮，恐不給焉，而不知建信之困之也。故國有奸人，賢智之得全者寡矣。

魏尅說建信君

魏尅謂建信君曰：「人有置係蹄者，以繫繫虎之蹄。而得虎，虎怒，決蹯而去。虎之情，非不愛其蹯也，然而不以環寸之蹯，害七尺之軀者，權也。今有國，非直七尺軀也，而君之身於王，非環寸之蹯也。言王且愛國，故去之。願公之熟圖之也！」

或爲齊獻書趙王

爲齊獻書趙王曰：「臣一見，而能令王坐而天下致名實，名，即下尊名。

一篇只用幾語，助變換神駛如許。史記最長此

實，即下致地。而臣竊怪王之不試見臣而窮困臣也。羣臣必多以臣爲不能者，故王重猶難。見臣也，以臣爲不能者，非他，欲用王之兵成其私者也；非然，則交有所偏者也。言實趙與諸國爲私。非然，則智不足者也；非然，則欲以天下之重恐王，而取行於王者也。王畏懼之，必行其說。臣以齊循事王，王能亡燕，能亡韓魏，能攻秦，能孤秦，臣以爲齊致尊名於王，天下孰敢不致尊名於王？臣以齊致地於王，天下孰敢不致地於王？臣以齊爲王求名於燕及韓魏，孰敢辭之？臣之能也，其前可見已。言可見於未效之前。齊先重王，故天下盡重王，王無齊，天下必盡輕王也。秦之彊，以無齊，故重王，燕韓魏自以無齊，故重王。趙得齊，故四國無齊。今王無齊，獨安能無重天下。猶四國重趙。故勸王無齊者，非智不足，則不忠者也；非然，則欲用王之兵成其私者也；非然，則欲輕王以天下之重，取行於王者也；非然，則位尊而能卑下者也；願王之孰慮無齊之利害也！」

或爲齊獻書趙王 馮忌欲爲趙深談

馮忌欲爲趙深談

馮忌請見趙王，行人見之，馮忌接手俛首，欲言而不敢。王問其故，對曰：「客有見人於服子者，已而請其罪。」服子曰：「公之客，獨有三罪：望我而笑，是狎也；談語而不稱師，是倍也；背其師。交淺而言深，是亂也。」

客曰：「不然，夫望人而笑，是和也；言而不稱師，是庸說也；言之常者人所同稱

非必師也。交淺而言深，是忠也。昔者堯見舜於草茅之中，席隴畝而廕庇

桑，陰移而受天下傳，伊尹負鼎俎而干湯，姓名未著而受三公，使夫交淺者不可以深談，則天下不傳，而三公不得也。今外臣交淺而欲深談，可乎？」王曰：「請奉教！」於是馮忌乃談。

客諫趙王親建信君

此段文與魏半
同，不若半之簡
而益工，但末三
四言，自是奇傑。

客見趙王曰：「臣聞王之使人買馬也，有之乎？」王曰：「有之。」
「何故至今不遣？」王曰：「未得買馬之工也。」對曰：「王何不遣建
信君乎？」王曰：「建信君有國事，又不知相馬。」曰：「王何不遣紀姬
乎？」王曰：「紀姬婦人也，不知相馬。」對曰：「買馬而善，何補於國；買
馬而惡，何危於國；然而王之買馬也，必將待工，今治天下舉錯非也，國
家爲虛戾，而社稷不血食，然而王不待工而與建信君，何也？」趙王未
之應也。

客曰：「燕郭之法，有所謂桑雍者，桑中有蠶則外碗，碗如雞。王知之乎？」王
曰：「未之聞也。」「所謂桑雍者，便辟左右之人，及夫人優饒也。愛孺
子也，此皆能乘王之醉昏而求所欲於王者也，是能得之於內，則大臣
爲之枉法於外矣。故日月暉於外，其賊在於內。月照天下，食於禽鳥。謹備其所
憎，而禍在於所愛。」按王斗魏半及此客之說大同，然卽孟氏所謂：必使玉人彫鑿玉之旨意者，戰國策士

大都有所授之與。

幽王

司空馬料趙速亡

文信侯出走，與司空馬不韋也。之趙，趙以爲守相，秦下甲而攻趙，司空馬說趙王曰：「文信侯相秦臣事之爲尙書，習秦事；今大王使守小官，習趙事，請爲大王設秦趙之戰，而親觀其孰勝。」趙孰與秦大？」曰：「不如。」「民孰與之衆？」曰：「不如。」「金錢粟孰與之富？」曰：「不如。」「國孰與之治？」曰：「不如。」「相孰與之賢？」曰：「不如。」「弗如。」「將孰與之武？」曰：「不如。」「律令孰與之明？」曰：「不如。」司空馬曰：「然則大王之國，百舉而無及秦者，大王之國亡。」趙王曰：「卿不遠趙，而惠教以國事，願於因計！」願因馬以計事。司空馬曰：「大王裂趙

內惡以下，再度
秦之詞也。

秦雖得地，趙猶有守

之半以賂秦，秦不接刃而得趙之半，秦必說。內惡趙之守，
秦雖得地，趙猶有守之者，秦所患也。外恐諸侯之救，秦必受之。患有守有救，則必急受之。

秦受地而卻兵，趙守半國以自存，秦銜賂以自強，山東必恐亡。趙自危，
趙亡，則五國有辱亡之憂。

諸侯必懼，懼而相救，則從事可成。臣請爲大王約從。從事成，則是大王名

亡趙之半，實得山東以敵秦，秦不足亡。」趙王曰：「前日秦下甲攻趙，

趙賂之以河閒十二縣，地削兵弱，卒不免秦患。今又割趙之半以強秦，

力不能自存，因以亡矣。願卿更計！」司空馬曰：「臣少爲秦刀筆，

謂爲尙書。以官長而守小吏，其官之長，任之爲吏。未嘗爲猶治。兵，臣請爲大王悉趙兵

以遇。」與秦接戰。趙王不能將。司空馬曰：「臣效愚計，大王不用，是臣無

以遇。」求士。趙王不能將。司空馬願自請！」

司空馬去趙，渡平原，平原津令郭遺勞而問：「秦兵下趙，上客從趙來，趙事何如？」司空馬言其爲趙王計而不用，趙必亡。平原令曰：「

以上客料之，趙何時亡？」司空馬曰：「趙將武安君李牧，期年而亡。若殺武安君，不過半年，趙王之臣有韓倉者，以曲合於趙王，其交甚親，其爲人嫉賢妬功臣，今國危亡，王必用其言，武安君必死。」

韓倉果惡之，王令人代武安君，至使韓倉數之曰：「將軍戰勝，觴將軍，將軍爲壽於前，而捍匕首，誣其以匕首自衛，如欲刺王然。當死。」武安君曰：

「繖牧名。病鉤，短僵如鉤。身大臂短，不能及地，起居不敬，問王起居，拜不及地，爲不敬。恐懼死罪於前，故使工人爲木材以接手，上若不信，繖請以出示。」出之袖中以示韓倉，狀爲振樞，樞門檻也。牧右臂短，故爲木材接之，如振動樞檻也。纏之以布，願公入明之。韓倉曰：「受命於王，賜將軍死，不赦，臣不敢言。」武安君北面再拜，拜賜死之命。引劍將自誅，乃曰：「人臣不得自殺宮中。」過司馬門，宮門。趨甚疾，出謗別也。門也，謂遠宮中。右舉劍將自誅，臂

趙亡不係司空馬，馬之去故於李牧之死事猶詳。未歸重司空馬，未歸重司空馬者，蓋結法也。

武安君死，五月，趙亡。平原令見諸公，必爲之言曰：「嗟嗞乎！司空馬，又以謂司空馬逐於秦，非不智也；去趙非不肖也；趙去司空馬而亡國，國亡者，非無賢人，不能用也。」

魏

桓子

任章勸魏桓子以地與智伯

智伯索地於魏桓子，魏桓子弗予。任章魏人。曰：「何故弗予？」桓子曰：「無故索地，故弗予。」任章曰：「無故索地，鄰國必恐，重欲無厭，天下必懼。君予之地，智伯必驕，驕而輕敵，鄰國懼而相親，以相親之兵，待輕敵之國，智氏之命不長矣。周書曰：『將欲敗之，必姑輔之；將欲取之，必姑與之。』君不如與之以驕智伯，君何釋以天下圖智氏，會此而不爲。

輔一本作歸。

任章勸魏桓子以地與智伯

魏文侯諭西門豹

五九

而獨以吾國爲智氏資乎？」君曰：「善。」乃與之萬家之邑。一智伯大說，因索蔡皋狼於趙，趙弗與，因圍晉陽，韓魏反於外，趙氏應之於內，智氏遂亡。

文侯

魏文侯諭西門豹

西門豹爲鄴令，而辭乎魏文侯。文侯曰：「子往矣，必就子之功，而成子之名。」西門豹曰：「敢問就功成名，亦有術乎？」文侯曰：「有之。夫鄉邑老者而先受坐之士，老者坐先於衆。子入而問其賢良之士，而師事之；求其好掩人之美，而揚人之醜者，而參驗之。夫物多相類而非也，幽莠之幼也似禾，莠似禾之草，幽言其色茂。黧牛之黃也似虎，黧，黑黃色。白骨疑象，武夫類玉，武夫石。此皆似之而非者也。」

惠王

公叔痤辭賞田

魏公叔痤爲魏將，而與韓趙戰澇北，禽樂祚，趙將。

魏王說郊迎，以

棟撓以屋壓喻
脈，醫家所謂方
脈，察也。

賞田百萬祿之，閑田以待賞有功者。公叔痤反走，再拜辭曰：「夫使士卒不崩，直而不倚，直直前、倚邪行。棟撓而不避者，喻敵之壓已。此吳起餘教也，臣不能爲也。前脈形地之險阻，脈見其幽，形見其顯。決利害之備，使三軍之士不迷惑者，巴寧麌襄之力也；縣賞罰於前，使民昭然信之於後者，王之明法也。見敵之可也，鼓之不敢怠倦者，臣也，王特爲臣之右手不倦，賞臣可也；若以臣之有功，臣何力之有乎？」王曰：「善。」於是索吳起之後，賜之田二十萬，巴寧麌襄田各十萬。

可也之也，作擊。
吳起。

巴寧麌襄。

王曰：「公叔豈非長者哉？旣爲寡人勝強敵矣，又不遺賢者之後，

公叔痤辭賞田 蘿菴市虎之喻

不掩能士之迹，公叔何可無益乎？」故又與田四十萬，加之百萬之上，使百四十萬。故老子曰：「聖人無積，盡以爲人。」己愈有，既亦盡。以與人，己愈多。」公叔當之矣。

龐葱市虎之喻

龐葱與太子質於邯鄲。魏太子謂魏王曰：「今一人言市有虎，王信之乎？」王曰：「否。」「二人言市有虎，王信之乎？」王曰：「寡人疑之矣。」「三人言市有虎，王信之乎？」王曰：「寡人信之矣。」龐葱曰：「夫市之無虎明矣，然而三人言而成虎。今邯鄲去大梁也，遠於市，而議臣者過於三人矣，願王察之也。」王曰：「寡人自爲知。」言不信人。於是辭行，而讒言先至。後太子罷質，果不得見。

魯君論酒味色能亡國

梁王魏嬰觴諸侯於范臺，酒酣，請魯君共公舉觴。魯君興，避席擇言曰：擇善而言。「昔者帝女蓋堯舜女。令儀狄作酒而美，進之禹，禹飲而甘之，遂疏儀狄，絕旨酒。」曰：「後世必有以酒亡其國者。」齊桓公夜半不嘸，言不喜食。易牙乃煎熬燔炙，和調五味而進之，桓公食之而飽，至旦不覺。曰：「後世必有以味亡其國者。」晉文公得南之威，三日不聽朝，遂推南之威而遠之。曰：「後世必有以色亡其國者。」楚王莊登強臺而望崩山，左江而右湖，以臨彷徨，徙倚。其樂忘死，遂盟強臺而弗登。曰：「後世必有以高臺陂池亡其國者。」今主君之尊，儀狄之酒也；主君之味，易牙之調也；左白台而右闔須，南威之美也；前夾林而後蘭臺，強臺之樂也；有一於此，足以亡其國。今主君兼此四者，可無戒與？」梁王稱

善相屬。

魯周公之後也，其教澤存焉，故齊仲孫湫曰猶秉周禮，韓起亦曰周禮盡在魯矣。仲尼氏作縉紳先生萃焉，於是特爲中國禮義之邦，觀魯君之所稱說，則周孔之澤深矣。舉觴一時而爲天下萬世之明戒，魯君豈非賢君哉？

襄王

蘇秦以合從說魏王

夜一木作下。

蘇子爲趙合從，說魏王曰：「大王之地，南有鴻溝、陳、汝、南、許、鄖、昆陽、邵陵、舞陽、新郪，東有淮、潁、沂、黃、糞、棗、海鹽，無疎，西有長城之界，北有河外、卷衍、燕、酸棗，地方千里，名雖小，然而廬田廡舍，曾無所芻牧牛馬之地，人民之衆，車馬之多，日夜行不休，已無以異於三軍之衆；臣竊料之，大王之國，不下於楚。然橫人誘王，外交強虎狼之秦，以侵天下，卒有國謂魏。患，不被其禍謂橫人。夫挾強秦之勢，以內劫其主，罪無過此者。且魏，天下之強國也；大王，天下之賢主也；今乃有意西面而事秦，稱

東藩築帝宮，爲秦築宮備其巡幸。

受冠帶，受服於秦。祠春秋，助秦祭。

臣竊爲大王愧

之！

也。
此大槩與說韓
同蓋韓魏一體

臣聞越王句踐以散卒三千禽夫差於干遂；武王卒三千人，革車三百乘，斬紂於牧之野；豈其士卒衆哉？誠能振其威也。今竊聞大王之卒，武力二十餘萬，蒼頭二十萬，奮擊二十萬，廝徒十萬，車六百乘，騎五千疋，此其過越王句踐武王遠矣。今乃劫於羣臣之說，而欲臣事秦，夫事秦必割地效質，故兵未用而國已虧矣。凡羣臣之言事秦者，皆姦臣，非忠臣也。夫爲人臣，割其主之地，以求外交，偷取一旦之功，而不顧其後，破公家而成私門，外挾強秦之勢，以內劫其主，以求割地，願大王之熟察之也。周書曰：『縣縣不絕，蔓蔓若何，毫毛不拔，將成斧柯。』前慮不定，後有大患，將奈之何？大王誠能聽臣，六國從親，專心并力，則必無強秦之患。故弊邑趙王肅侯，使使臣獻愚計，奉明約，在大王詔之。』

蘇秦以合從說魏王 惠施欲以魏合齊楚

魏王曰：「寡人不肖，未嘗得聞明教。今主君以趙王之詔詔之，敬以國從！」

惠施欲以魏合齊楚

張儀欲以魏合於秦韓，而攻齊楚，惠施欲以魏合於齊楚以案兵，人多爲張子於王所。人於王處，多爲儀計。惠子謂王曰：「小事也，謂可者謂不可者正半。言雖小事，人可否者且正半。況大事乎？以魏合於秦韓而攻齊楚，大事兩段，前四句爲一段，是發其疑，後四句爲一段，是實其皆然文甚緩徐。」

言皆明，見其可。

而羣臣之智術也，如是其同耶？是其可也，未如是其明也，而羣臣之智術也，又非皆同也，是其有半塞也。塞不明。所謂劫主者，失其半者也。事不明而劫主必從，是於事理失其半矣。

袁王

季子說梁王專用公孫衍

公孫衍爲魏將，與其相田需不善。季子爲衍謂梁王曰：「王獨不見夫服牛驂驥乎？不可以行百步。今王以衍爲可使將，故用之也。而聽相之計，是服牛驂驥也。牛馬俱死，而不能成其功，王之國必傷矣。願王察之！」

蘇代爲田需說魏王

犀首見梁君曰：「臣盡力竭智，欲以爲王廣土，取尊名。田需從中敗君，王又聽之，是臣終無成功也。」需亡，臣將侍，需侍，臣請亡。」王曰：「需，寡人之股掌之臣也，爲子之不便也，殺之亡之，毋謂天下何，內之親之。無若羣臣何也？」言殺之亡之，天下之人與內之羣臣，皆以爲不然也。今吾爲子外之，令母

敢入猶與。子之事，入子之事者，吾爲子殺之亡之，胡如？」犀首許諾。於是東見田嬰，與之約結，召文子田文而相之，魏身相於韓。

蘇代爲田需說魏王曰：「臣請問文之爲魏，孰與其爲齊也？」王曰：「不如其爲齊也。」衍之爲魏，孰與其爲韓也？」衍晉人，時屬韓。王曰：

「不如其爲韓也。」而蘇代曰：「衍將右韓而左魏，文將右齊而左魏，二人者，將用王之國，舉事於世中道而不可，中立不競兩全二國。王且無所聞之矣，彼有外心，王不得而聞之。王之國雖滲樂而從之可也。言國微弱如漏器，苟足樂，雖從二字可也，然從二子，必亟亡，不得如是也。王不如舍猶厝，需於側，以稽二人者之所爲。一人

者曰：『需非吾人也。』需非二人之黨。吾舉事而不利於魏，需必挫我於王，二人者必不敢有外心矣。一人者之所爲之利於魏，與不利於魏，王厝需於側以稽之，臣以爲身利，王身而國便於事。」王曰：「善。」果厝需

於側。

張儀以連衡說魏

張儀爲秦連橫說魏王曰：「魏地方不至千里，卒不過三十萬人，地四平，諸侯四通，條達輻湊，無有名山大川之阻。從鄭至梁，不過百里，從陳至梁，二百餘里，馬馳人趨，不待倦而至梁。南與楚境，西與韓境，北與趙境，東與齊境，卒戍四方，他國境或有山川關塞，唯梁無之，皆以卒戍守。守亭障者參列，粟糧漕庾，不下十萬。魏之地勢，故戰場也。魏南與楚而不與齊，則齊攻其東，東與齊而不與趙，則趙攻其北，不合於韓，則韓攻其西，不親於楚，則楚攻其南。此所謂四分五裂之道也。」

且夫諸侯之爲從者，以安社稷，尊主強兵，顯名也。合從者，一天下約爲兄弟，刑白馬以盟於洹水之上，以相堅也。夫親昆弟，同父母，尚有爭錢財，而欲恃詐僞反覆蘇秦之餘謀，其不可以成亦明矣。大王不事

秦韓爲一國，魏之亡八字，一本作秦韓爲二國，何不識橫人果何心也。

秦下兵攻河外，拔卷衍、燕、酸棗，劫衛取晉陽，則趙不南，趙不南則魏不北，魏不北則從道絕。主從者趙，故不言其他。從道絕則大王之國，欲求無危，不可得也。秦挾韓而攻魏，韓劫於秦，不敢不聽，秦韓爲一國，魏之亡，可立而須也。此臣之所以爲大王患也。爲大王計，莫如事秦，則楚、韓必不敢動，無楚、韓之患，則大王高枕而臥，國必無憂矣。

且夫秦之所欲弱，莫如楚；而能弱楚者，莫若魏。楚雖有富大之名，其實空虛，其卒雖衆多，然而輕走易北，不敢堅戰，悉魏之兵，南面而伐，勝楚必矣。夫虧楚而益魏，攻楚而適秦，內嫁禍安國，此善事也。大王不聽臣，秦甲而出東伐，雖欲事秦，而不可得也。

且夫從人多奮辭猶大言。而寡可信，說一諸侯之王，出而乘其車，約一國而成，反而取封侯之基，是故天下之遊士，莫不日夜搘腕把手也。瞋目張目也。切齒，言之力也。以言從之便，以說人主人，主覽其辭，奉其說，惡得不識橫人果何心也。

無眩哉？臣聞積羽沈舟，羣輕折軸，衆口鑠金，故願大王之熟計之也！」

魏王曰：「寡人憲愚，前計失之，請稱東藩，築帝宮，受冠帶，祠春秋，效河外。」魏適秦而無阻，因凡橫人之辭若可聽者。唯魏也，故儀先入之。魏一搖而諸侯動矣。

惠子謂田需

田需貴於魏王，惠子曰：「子必善左右，今夫楊，橫樹之則生，倒樹之則生，折而樹之又生，然使十人樹之一，一人拔之，則無生楊矣。故以十人之衆，樹易生之物，然而不勝一人者，何也？樹之難而去之易也。今子雖自樹於王，而欲去子者衆，則子必危矣！」

蘇代爲信安君說秦

秦召魏相信安君，信安君不欲往，蘇代爲說秦王曰：「臣聞之，忠

不必黨，爲信安說疑於黨之。黨不必忠，今臣願爲大王陳臣之愚意，恐其不忠於下吏，自使有要領之罪，願大王察之！今大王令人執事於魏，謂別置相以代信安。以完其交，臣恐魏交之益疑也，將以塞趙也。信安右趙者，秦召而代之，欲魏不通趙。臣又恐趙之益勁也。夫魏王之愛習魏信也甚矣，即信安異。其智能而任用之也厚矣，其畏惡嚴尊秦也明矣。今王之使人入魏而不用，則王之使人入魏無益也。若用，用秦所使。魏必舍所愛習而用所畏惡，此魏王之所以不安也。夫舍萬乘之事而退，謂去相位。此魏信之所難行也。夫令人之君處所不安，令人之相行所不能，以此爲親，則難久矣。臣故恐魏交之益疑也。

且魏信舍事，則趙之謀者必曰：『舍於秦，秦必令其所愛信者用趙，是趙存而我亡也；趙安而我危也。則上有野戰之氣，下有堅守之心，臣故恐趙之益勁也。』

趙之謀事者曰：魏信見舍於秦，秦亦將易置趙之臣，令其所信愛者用於趙，我之

權去勢奪，是趙存而我亡，趙安而我危，則必戰必守而不聽秦命，是趙益以強。大王欲完魏之交，而使趙小心乎，不如用魏信，而尊之以名。魏信事王，國安而名尊，離王不事之，國危而權輕。

然則魏信之事主也，上所以爲其主者忠矣，下所以自爲者厚矣，彼其事王必完矣。趙之用事者必曰：『魏氏之名族，不高於我，土地之實，不厚於我，魏信以韓魏事秦，秦甚善之，國得安焉，身得尊焉；今我搆難於秦，兵爲招質，言爲召兵之本。國處削危之形，非得計也，結怨於外，主患於中，身處死亡之地，非完事也。』彼將傷其前事，而悔其過行，冀其利，必多割地以深下王下亦事也。則是大王垂拱，多割地以爲利重，堯舜之所求而不能得也，臣願大王察之！」

或爲魏說秦昭王攻楚

獻書秦王昭曰：「臣竊聞大王之謀，出事於梁。謂攻之。謀恐不出於計矣。非得計也。願大王之熟計之也！梁者，山東之要也；有蛇於此，擊其尾，其首救；擊其首，其尾救；擊其中身，首尾皆救。今梁者，天下之脊也。夫秦攻梁者，是示天下要斷山東之脊也。明示天下，中斷山東諸國之脊也。是山東首尾皆救，中身之時也。山東見亡必恐，恐必大合，山東尙強，臣見秦之必大憂，可立而待也。」

臣竊爲大王計，不如南出事於南方，謂楚。其兵弱，天下必不能救，地可廣大，言秦地。國可富，兵可強，主可尊。王不聞湯之伐桀乎？試之弱密須氏，以爲武教。如試兵耳。得密須氏，而湯知服桀矣。今秦欲與山東爲讎，不先以弱爲武教，兵必大挫，國必大憂。」秦果南攻藍田、郿、鄆。

昭王

蘇代說魏王勿講於秦

魏。用伐宋之策於

五國伐秦無功而還。其後齊欲伐宋，而秦禁之。齊令宋郭之秦，請合而以伐宋。秦昭許之。魏王畏齊秦之合也，欲講於秦。謂魏王曰：「閔。秦王謂宋郭曰：『分宋之城，服宋之強者，六國也；乘宋之敝，而與王爭得者，楚魏也；請爲王母禁楚之伐魏也，而王獨舉宋。王之伐宋也，請剛柔而皆用之。宋強宋弱，皆必伐之。如宋者，欺之不爲逆，殺之不爲讎者也，王無與之講以取地，旣已得地，又以力攻之，期於啗宋而已矣。』臣聞此言，而竊爲王患，秦必且用此於王矣！又必且劫王以求地，旣已得地，又且以力攻王，又必謂王使王輕齊，齊魏之交以醜。惡也。又且收齊以更索於王。秦嘗用此於楚矣，又嘗用此於韓矣，願王之深計之也！秦善魏，不可知也已！」言不可信。

蘇代說魏王勿講於秦

故爲王計，太上伐秦，其次賓。卽撫秦，其次堅約而詳。佯通講與國

無相讎也。秦齊合，國不可爲也已，王其聽臣也，必無與講。與秦講秦權重

魏冉明熟是。言慮此明且熟。故有謂足下傷秦者，不敢顯也。

言或有爲魏傷秦之
人，亦不敢顯明爲之，恐秦先覺。

天下可令伐秦，則陰勸而弗敢圖也，見天下之傷秦也，則先鬻與國而以自解也。言與國爲之非我也，是賣與國矣。天下可令賓秦，則爲

劫於與國而不得已者，言爲與國所劫，出於不得已之故。天下不可，則先去而以秦爲上交，以自重也。言與國以擅秦爲不可，則先畔去而交秦以自重。如是人者，鬻王以爲資者也，而焉能免國於患，免國於患者，必窮二節。卽上三事。而行其上，上不可，則行其中，中不可，則行其下，下不可，則明不與秦而生以殘秦。三不可，必爲秦所伐，則誓鬪而必死，不與秦俱生以滅秦。使秦皆無百怨百利，惟己之曾安，無令天下鬻之以合於秦，使秦無多怨於人，多利於己，惟止兵之爲安，無令天下賣主以合秦。是免國於患者之計也，臣何足以當之？雖然，願足下之論臣之計也。

歷紱爲之苦處。

矣。

言欲爲魏合燕齊以伐秦，而已爲之難。

黃帝戰於涿鹿之野，而西戎之兵不至；禹攻

三苗，而東夷之民不赴；以燕齊伐秦，黃帝之所難也，而臣已致燕甲而

起齊兵矣。臣又徧事三晉之吏，奉陽君孟嘗君韓珉周最周韓餘爲徒，與爲徒友。

從而下之，猶折節下士之下。恐其伐秦之疑也，又身自醜於秦，與秦惡。

扮當作拏，拏棄已身爲之。

請焚天下之秦符

不與秦交。

者，臣也；次傳焚符之約者，

臣也；

傳之諸國。

欲使五國約閉秦關者，臣也。不適秦。

奉陽君韓餘爲旣和矣，

蘇修朱嬰

此皆三晉之吏。

皆陰在邯鄲，臣又說齊王而往敗之，敗宋郭合秦之約。

天下之語，一作語之。而以齊爲上交，蓋詐。

下共講，因使蘇修游

揄揚也。

天下之語，

一作語之。而以齊爲上交，蓋詐。

兵請伐魏，臣又爭之以死而果，西因蘇修重報，

修在邯鄲齊之西也，報以齊不伐魏。臣

非不知秦權之重也，然而所以爲之者，爲足下也。」

安釐王

蘇代說魏王勿講於秦

須賈爲魏說穰侯

秦敗魏於華，走芒卯而圍大梁。須賈魏人爲魏謂穰侯曰：「臣聞魏氏大臣父兄皆謂魏王曰：『初時惠王伐趙，戰勝乎三梁，十萬之軍拔邯鄲，趙氏不割，而邯鄲復歸。齊人攻燕，殺子之，破故國，燕不割，而燕國復歸。燕趙之所以國全兵勁，而地不并乎諸侯者，以其能忍難而重出地也。』宋中山數伐數割，而隨以亡。臣以爲此魏大臣所稱。燕趙可法，而宋中山可無爲也。夫秦貪戾之國而無親蠶食魏，盡晉國，戰勝墨子，地缺。割八縣，地未畢入，而兵復出矣。夫秦何厭之有哉？今又走芒卯，入北地，此非但攻梁也，且劫王以多割也。王必勿聽也。今王循猶順。楚趙而講，秦時蓋楚趙共攻魏，見二國爲秦用，遂欲講秦。

少利。有質，求秦質子。不然，必欺。』是臣之所聞於魏也。願君之以是慮事也。書曰：『維命不於常。』此言幸之不可數也。

入戰勝，墨子而割八縣，此非兵力之精，非計之工也。天幸爲多矣。今又芒卯，入北地以攻大梁，是以天幸自爲常也。智者不然。臣聞魏氏悉其百縣勝兵，以止戍大梁，臣以爲不下三十萬，以三十萬之衆，守十仞之城，臣以爲雖湯武復生，弗易攻也。夫輕信楚趙之兵，陵十仞之城，戴三十萬之衆，而志必舉之，臣以爲自天下之始分，以至於今，未嘗有之也。攻而不能拔，秦兵必罷，陰必亡，則前功必棄矣。今魏方疑，可以少割收也。願君之及楚趙之兵，未任於大梁也。未以攻梁自任。亟以少割收魏，魏方疑，而得以少割爲和，必欲之，則君得所欲矣。楚趙怒於魏之先已講也。已兵未至，而與秦講。必爭事秦，從是以散。昔從事敗。而君後擇焉。擇所與於從敵之後。且君之嘗割晉國取地也，何必以兵哉？先割取時不用兵。夫兵不用，而魏

效絳安邑，又爲陰啟。言得二縣以拓陰之封地。兩機盡得縣啟封無遺也。故宋衛效，魏自比二小國也。尤憚秦兵，出地而小，故愈畏秦。已合魏合秦。而君制之，何求而不得，何爲而不成？臣願君之熟計，而母行危也！」穰侯曰：「善。」乃罷梁圍。

周訴諫止魏王朝秦

秦敗魏於華，魏王且入朝於秦。周訴謂王曰：「宋人有學者三年，反而名其母，其母曰：『子學三年，反而名我者何也？』其子曰：『吾所賢者，無過堯舜。堯舜名，吾所大者，無大天地。天地名，今母賢不過堯舜，母大不過天地，是以名母也。』其母曰：『子之於學者，於其所學。將盡行之乎？願子之有以易名母也。子之於學也，將有所不行也。願子之且以名母爲後也。』今王之事秦，尚有可以易入朝者乎？願王之有以易之，而以入朝爲後。」

魏王曰：「子患寡人入而不出邪？」許綰爲我祝曰：「入而不出，請殉寡人以頭。」周訢對曰：「如臣之賤也，今人有謂臣曰『入不測之淵而必出，不出，請以一鼠首爲汝殉者』，臣必不爲也。今秦不可知之國也，猶不測之淵也，而許綰之首，猶鼠首也，內王於不可知之秦，而殉王以鼠首，臣竊爲王不取也。且無梁，孰與無河內急？」王曰：「梁急。」「無梁，孰與無身急？」王曰：「身急。」曰：「以三者，身上也，河內其下也，秦未索其下，而王效其上，可乎？」王尙未聽也，支期曰：「王視楚王，頃襄。楚王入秦，王以三乘先之，先楚至秦。楚王不入，楚魏爲一，尙足以捍秦。」王乃止。

王謂支期曰：「吾始已諾於應侯矣，今不行者欺之矣。」支期曰：「王勿憂也，臣使長信侯魏相之善應侯者。請無內王，王待臣也。」支期說於長信侯曰：「王命召相國。」長信侯曰：「王何以臣爲？」支期曰：「臣

不知也，王急召君。」長信侯曰：「吾內王於秦者，寧以爲秦邪？吾以爲魏也。」支期曰：「君無爲魏計，君其自爲計，且安死乎？」問何所安。安生乎？

安窮乎？安貴乎？君其先自爲計，後爲魏計。」長信侯曰：「樓公將入矣，

俟樓公入與之謀。臣今從。」

支期曰：「王急召君，君不行，血濺君襟矣。」長信

侯行，支期隨其後，且見王，支期先入，謂王曰：「僞病者乎？」而見之，令王見

而辭疾。

臣已恐之矣。」長信侯入見王，王曰：

「病甚，奈何？吾始已諾於應

侯矣，意雖道死行乎？」長信侯曰：「王毋行矣，臣能得之於應侯矣，願

王無憂。」

周訴之愛王也甚忠，其諫王也甚明，蓋王不能聽而聽支期，期豈賢於訴哉？蓋期之所教者事，而訴之所

諭者理，庸主固可示以事，而難以理諭也。微二臣者，蓋其爲楚懷歟？

孫臣諫魏王割地講秦

華軍之戰，魏不勝秦，明年，將使段干崇割地而講。孫臣並魏人。謂魏

王曰：「魏不以敗之上割，上謂當時。可謂善用不勝矣，而秦不以勝之上

割，可謂不善用勝矣。今處期年，乃欲割，是羣臣之私，

計不及也。

而王不知

也。且夫欲靈者得秦封受其靈。段干子也，王因使之割地，欲地者秦也，而王

因使之受靈。夫欲靈者制地，而欲地者制靈，其勢必無魏矣。且夫姦臣

固皆欲以地事秦，以地事秦，譬猶抱薪而救火也，薪不盡則火不止。今

王之地有盡，而秦之求無窮，是薪火之說也。」魏王曰：「善。雖然，吾已

許秦矣，不可以革也。」更也。對曰：「王獨不見夫博者之用梟邪？」

猶上善用勝

矣。欲食則食欲握，握不食也。食者行禁，握不行也。今君劫於羣臣而許秦，因曰

不可革，何用智之不若梟也？」魏王曰：「善。」乃按其行。

信陵君說魏王

魏將與秦攻韓，無忌謂魏王曰：「秦與戎翟同俗，有虎狼之心，貪

戾好利而無信，不識禮義德行，苟有利焉，不顧親戚兄弟，若禽獸耳。此天下之所同知也，非所施厚積德也。故太后母也，而以憂死，穰侯舅也，功莫大焉，而竟逐之，兩弟無罪，而再奪之國，此於其親戚兄弟若此，而又況於仇讎之敵國也。今大王與秦伐韓，而益近秦臣，甚惑之，而王弗識也，則不明矣。羣臣知之，而莫以此諫，則不忠矣。

今夫韓氏，以一女子承一弱主，內有大亂，外安能支強秦魏之兵，王以爲不破乎？韓亡，秦有鄭地時鄭亡屬韓，與大梁鄰，王以爲安乎？王欲得故地，蓋晉喪地於韓。而今負強秦之禍也，王以爲利乎？秦非無事之國也，韓亡之後，必且更事，更事必就易與利，就易與利，必不伐楚與趙矣。是何也？夫越山踰河，絕韓之上黨，而攻強趙，則是復閼與之事也。先時趙奢敗秦於此。秦必不爲也。若道河內，倍鄴朝歌，絕漳滏之水，而以與趙兵決勝於邯鄲之郊，是受智伯之禍也。秦又不敢伐楚，道涉山谷，行三千里，而攻

文字變化。

流瀕關。
委曲。
接宛而力。

危險之塞，所行者甚遠，而所攻者甚難。秦又弗爲也。若道河外，背大梁而右上，蔡召陵，以與楚兵決於陳郊，秦又不敢也。故曰：『秦必不伐楚與趙矣。又不攻衛與齊矣。』衛齊皆在三晉之東。韓亡之後，兵出之日，非魏無攻矣。秦故有懷茅邢丘安城境，境當作延。津而以之臨河內，河內之共汲莫不危矣；秦有鄭地，得垣雍，決熒澤，而水大梁，大梁必亡矣。太史公曰：晋適大梁之墟，墟中人曰：『秦之敗梁，引河溝而灌大梁，三月城壞，王請降，遂滅魏。蓋秦竟用此策。』王之使者大過矣，乃惡安陵氏。魏之附庸。於秦，秦之欲許之久矣。秦欲而取之久矣。然而秦之葉陽昆陽與舞陽高陵鄰，此二縣，安陵封地，以與昆陽葉陽鄰，故秦久惡安陵。聽使者之惡也，隨安陵氏而欲亡之，秦繞舞陽之北以東臨許，則南國必危矣。南國雖無危，則魏國豈得安哉？且夫憎韓不愛安陵氏可也，夫不患秦之不愛南國非也。秦得南國，則諸侯之勢危，魏不可以非己地而不恤也。

異日者，秦乃在河西，晉國之去梁也，千里有餘，首都絳安邑時。有河山

照應。

呼喚。

以闌之，有周韓而閒之，從林鄉軍秦伐林鄉。以至於今，秦十攻魏，五入國中，邊城盡拔，文臺墮，垂都焚，林木伐，麋鹿盡，而國繼以圍，又長驅梁北，東至陶衛之郊，北至平闕，所亡乎秦者，山北河外河內，大縣數百，名都數十。秦乃在河西，晉國之去大梁也尙千里，而禍若是矣，又況於使秦無韓，而有鄭地，無山河以闌之，無周韓以閒之，去大梁百里，禍必百此矣。異日者，從之不成也，楚魏疑，而韓不可得而約也。

今韓受兵三年矣，受秦兵。秦撓之以講，以求地撓撓之。韓知亡，猶弗聽，投質約也。於趙，而請爲天下鴈行頓刃，以臣之愚觀之，則楚趙必與之攻矣。此何也？則皆知秦欲之無窮也，非盡亡天下之兵，而臣海內之民，必不休矣。是故臣願以從事乎王，王速受楚趙之約，而挾韓之質，以存韓爲務，因求故地於韓，韓必效之，如此則士民不勞，而故地得，其功多於與秦共伐韓，然而無與強秦鄰之禍。夫存韓安魏而利天下，此亦王之

大時已通。韓之上黨於共寧，使道已通。

是時秦欲取韓上黨，故齧食其地，使與韓國中絕。信陵

勸魏假道，使韓得與上黨往來，豈專爲韓？韓不失上黨則三晉之勢猶完也。因而關之，出入者賦之，征商

賣。是魏重質韓以其上黨也，共有其賦，韓魏共之。足以富國，韓必德魏愛

魏重。魏畏魏，韓必不敢反魏，是韓則魏之縣也，魏得韓以爲縣，則衛大

梁河外必安矣。衛時附梁。今不存韓，則二周必危，安陵必易，言不難取。

大破衛，齊甚畏，天下之西鄉而馳，秦入朝爲臣之日不久。

信陵之言深切

綜練，識天下之大勢，使魏王能用其計，糾率楚趙竭力以助韓，則韓不至於失上黨，趙不至於敗長平，六國亦不至爲秦所

吞矣。

或諫魏王信春申君

十八年，謂魏王曰：「昔曹恃齊而輕晉，齊伐釐莒，而晉人亡曹，續、禹後。齊和子亂，而越人亡續，鄭恃魏以輕韓，魏伐榆關，而

非獨句開。
天下句合。
夫國句轉。

折止。
正意。

韓氏亡鄭，原恃秦翟以輕晉，秦翟年穀大凶，而晉人亡原，中山恃齊魏以輕趙，齊魏伐楚，而趙亡中山，此五國所以亡者，皆有所恃也，非獨此五國爲然而已也。天下之亡國皆然矣。夫國之所以不可恃者多，其變不可勝數也，或以政教不修，上下不輯，而不可恃者，或有諸侯鄰國之虞，而不可恃者，或以年穀不登，蓄積竭盡，而不可恃者，或化猶移於利，比猶近於患，臣以此知國之不可必恃也。今王恃楚之強，而信春申君之言，以是賓秦，而久猶後不可知，卽春申君有變，是王獨受秦患也，卽猶是。王有萬乘之國，而以一人之心爲命也，臣以此爲不完，願王之熟計之也！」

季梁諫魏攻邯鄲

魏王欲攻邯鄲，季梁聞之中道而反，衣焦卷不申，頭塵不去，皆以欲

見速故不暇。

往見王曰：「今者臣來，見人於大行，方北面而持其駕，告臣曰：

『我欲之楚。』臣曰：『君之楚，將奚爲北面？』曰：『吾馬良。』臣曰：『馬雖良，此非楚之路也。』曰：『吾用多。』資用不乏。臣曰：『用雖多，此非楚之路也。』曰：『吾御者善。』此數者愈善，而離楚愈遠耳，今王動欲成霸王，舉欲信於天下，恃王國之大，兵之精銳，而攻邯鄲以廣地尊名，王之動愈數，而離王愈遠耳，猶至楚而北行也。』

唐雎說信陵君

信陵君殺晉鄙，救邯鄲，破秦人，存趙國，趙王孝成自郊迎。唐雎謂信陵君曰：「臣聞之曰，『事有不可知者，有不可不知者，有不可忘者，有不可不忘者。』」信陵君曰：「何謂也？」對曰：「人之憎我也，不可不知也；吾憎人也，不可得而知也。人不能知。人之有德於我也，不可忘也。」

吾有德於人也，不可不忘也。今君殺晉鄙，救邯鄲，破秦人，存趙國，此大德也。今趙王自郊迎，卒然見趙王，臣願君之忘之也。」信陵君曰：「無忌謹受教。」

縮高全父子君臣之義

魏攻管而不下，安陵人縮高，其子爲管守。信陵君使人謂安陵君曰：「君其遺縮高，吾將仕之以五大夫，使爲持節尉。」安陵君曰：「安陵，小國也，不能必使其民，使者自往，請使道使者使人道之。」至縮高之所，復信陵君之命。縮高曰：「君之幸高也，將使高攻管也。夫以父攻子，守，人大笑也。見臣而下，是背王也。秦王。父教子背，亦非君之所喜也，敢再拜辭。」使者以報信陵君，信陵君大怒，遣大使之安陵，曰：「安陵之地，亦猶魏也。今吾攻管而不下，則秦兵及我，不得秦地，必受秦攻。社稷必危矣。」

戰國惟此策大
類左氏辭令。
敘事從容。

願君之生東縮高而致之，若君弗致也，無忌將發十萬之師，以告安陵之城。」

安陵君曰：「吾先君成侯趙主也。受詔襄王，襄陵，趙襄子所封，後附庸於魏。以守此地也，手受大府之憲，蓋晉之成憲、法令也。憲之上篇曰：『子弑父，臣弑君，有常刑不赦，國雖大赦，降城亡子，以城降人及亡人之子。不得與焉。』今縮高謹辭大位，以全父子之義，而君曰必生致之，是使我負襄王詔，而廢大府之憲也，雖死，終不敢行。」縮高聞之曰：「信陵君爲人，悍而自用也，此辭反，必爲國禍，吾已全已，無違人臣之義矣。卽全己之意。豈可使吾君有魏患也！」乃之使者之舍，刎頸而死。信陵君聞縮高死，服縗素避舍，使者謝安陵君，曰：「無忌小人也，困於思慮，失言於君，敢再拜釋罪！」

景閔王

唐雎不辱使命

秦王始皇，使人謂安陵君曰：「寡人欲以五百里之地易安陵，安陵君其許寡人。」安陵君曰：「大王加惠，以大易小，甚善。雖然，受地於先王，願終守之，弗敢易。」秦王不說，安陵君因使唐雎使於秦。

秦王謂唐雎曰：「寡人以五百里之地易安陵，安陵君不聽寡人，何也？且秦滅韓亡魏，而君以五十里之地存者，以君爲長者，故不錯意也，今吾以十倍之地請廣於君，而君逆寡人者，輕寡人與？」唐雎對曰：「否，非若是也。安陵君受地於先王而守之，雖千里不敢易也，豈直五百里哉？」

秦王怫然怒，謂唐雎曰：「公亦嘗聞天子之怒乎？」唐雎對曰：「臣未嘗聞也。」秦王曰：「天子之怒，伏屍百萬，流血千里。」唐雎曰：

大王嘗聞布衣之怒乎？」秦王曰：「布衣之怒，亦免冠徒跣，以頭搶地耳。」唐雎曰：「此庸夫之怒也，非士之怒也。夫專諸之刺王僚也，慧星襲月；荳政之刺韓傀也，白虹貫日；要離之刺慶忌也，倉鷺擊於殿上；此三子者，皆布衣之士也，懷怒未發，休祲降於天。休吉徵凶戾氣，自三子言之爲吉。與臣而將四矣。若士必怒，伏屍二人，流血五步，天下矯素，今日是也。」挺劍而起，秦王色撓。擾也。長跪而謝之曰：「先生坐，何至於此！寡人諭矣。曉也。夫韓魏滅亡，而安陵以五十里之地存者，徒以有先生也。」

韓

烈侯

荳政爲嚴遂刺韓相

韓傀相韓，嚴遂重於君，二人相害也。嚴遂政正同。議直指，舉韓傀

唐雎不辱使命 荳政爲嚴遂刺韓相

九三

之過，韓傀以之叱之於朝，嚴遂拔劍趨之，以救解。於是嚴遂懼誅，亡去。游求人可以報韓傀者。至齊，齊人或言：「輒深井里，聶政勇敢士也，避仇隱於屠者之間。」嚴遂陰交於聶政，以意厚之。聶政問之曰：「子欲安用我乎？」嚴遂曰：「吾得爲役之日淺，事今薄，猶迫奚敢有請！」於是嚴遂乃具酒，自觴聶政母前。仲子遂字奉黃金百鎰，前爲聶政母壽。聶政驚，愈怪其厚，固謝嚴仲子。仲子固進，而聶政謝曰：「臣有老母，家貧客游，以爲狗屠，可旦夕得甘脆以養親，親供養備，義不敢當。仲子之賜！」嚴仲子辟人，因爲聶政語曰：「臣有仇，而行游諸侯衆矣，然至齊，聞足下義甚高，故直進百金者，特以爲夫人蠶纏之費，以交足下之驩，豈敢以有求耶！」聶政曰：「臣所以降志辱身，居市井屠者，幸以養老子，老母在前，政身未敢以許人也。」嚴仲子固讓，聶政竟不肯受。然仲子卒備賓主之禮而去。

須收此二段，乃見葬政心事。

重。

久之，聶政母死，既葬，除服。聶政曰：「嗟乎！政乃市井之人，鼓刀以屠，而嚴仲子乃諸侯之卿相也，不遠千里，枉車騎而交臣，臣之所以待之者至淺矣，未有大功可以稱報。」者而嚴仲子舉百金爲親壽，我義不受，然是深知政也；夫賢者以忿懥睚眦之意，而親信窮僻之人，而政獨安可嘿然而止乎？且前日要政，政徒以老母，老母今以天年終，政將爲知己者用。遂西至濮陽，見嚴仲子曰：「前日所以不許仲子者，徒以親在，今親不幸而死，仲子所欲報仇者，請得從事焉。」嚴仲子具告曰：「臣之仇韓相韓傀，傀又韓君之季父也，宗族盛多，居處兵衛甚設，臣使人刺之，終莫能就，今足下幸而不棄，請益具車騎壯士以爲羽翼。」政曰：「韓與衛相去中閒不遠，今殺人之相，相又國君之親，此其勢不可以多人，多人不能無生得失。謂相可否。生得失則語泄，語泄則韓舉國而與仲子爲讎也，豈不殆哉！」遂謝車騎人徒，辭獨行，仗劍至韓。韓

此處不露
心。

適有東孟之會，韓王及相皆在焉，持兵戟而衛侍者甚衆。聶政直入上階，刺殺韓傀。韓傀走而抱列侯，聶政刺之，兼中列侯，左右大亂。聶政大呼，所擊殺者數十人。因自皮面去面之皮。抉眼，屠腸，遂以死。

韓取聶政屍暴於市，縣購之千金，久之莫知誰。政姊姦聞之，曰：「吾弟至賢，不可愛妾之軀，滅吾弟之名，非弟意也。」乃之韓，視之曰：「勇哉，氣矜之隆，矜，自持也。是其軼貴育高成荆矣！今死而無名，父母旣歿矣，兄弟無有，此爲我故也。夫愛身不揚弟之名，吾不忍也。」乃抱屍而哭之曰：「此吾弟軼深井里聶政也！」亦自殺於屍下。晉楚齊衛聞之，曰：「非獨聶政之能，乃其姊者亦列女也！」聶政之所以名施於後世者，其姊不避菹醢之誅，以揚其名也。

結。

昭王

蘇秦以合從說韓

蘇秦爲趙合從，說韓王曰：「韓北有鞏洛成皋之固，西有宜陽常
阪之塞，東有宛穰洧水，南有陘山，地方千里，帶甲數十萬，天下之強弓
勁弩，皆自韓出。谿子少府，時力距來，皆射六百步之外，韓卒超足而射，
舉蹠踏弩。百發不暇止，遠者達脅，近者掩心。韓卒之劍戟，皆出於冥山、棠
谿、墨陽、合伯、鄧師、宛馮、龍淵、太阿，皆陸斷馬牛，水擊鵠鴈，當敵卽斬堅，

甲盾、鞬鍪、鐵幕、革抉、跋芮，無不畢具。以韓卒之勇，被堅甲，躡勁弩，帶利
劍，一人當百，不足言也。夫以韓之勁，與大王之賢，乃欲西面事秦，稱東
藩，築帝宮，受冠帶，祠春秋，交臂而服焉，夫羞社稷而爲天下笑，無過此
者矣，是故願大王之熟計之也。」

大王事秦，秦必求宜陽、成皋，今茲效之，明年又益求割地，與之卽

凡言衡害者，莫能外此。

無地以給之，不與則棄前功，而後更受其禍。且夫大王之地有盡，而秦之求無已，夫以有盡之地，而逆無已之求，此所謂市怨而買禍者也。不戰而地已削矣。臣聞鄙語曰：『寧爲雞口，無爲牛後。』今大王西面交臂而臣事秦，何以異於牛後乎？夫以大王之賢，挾強韓之兵，而有牛後之名，臣竊爲大王羞之！

韓王忿然作色，攘臂按劍，仰天太息曰：「寡人雖死，必不能事秦，今主君以趙王之教詔之，敬奉社稷以從！」

襄王

張儀以連衡說韓

張儀爲秦連橫，說韓王曰：「韓地險惡，山居五穀所生，非麥而豆，民之所食，大抵豆飯藿羹，一歲不收，民不饜糟糠，地方不滿九百里，無

二歲之所食。料大王之卒，悉之不過三十萬，而廝徒負養在其中矣，爲除守徼亭障塞，見卒不過二十萬而已矣。

秦帶甲百餘萬，車千乘，騎萬匹，虎鷺之士，跔踳

謂徒跣。科頭，不著兜鍪。

貫頤奮戟者，

貫被殺者之頤，而猶奮戟以戰。

至不可勝計也；秦馬之良，戎兵之衆，

探前蹶

跳也。

後蹄閒三尋者，不可勝數也；山東之卒，被甲冒冑以會戰，

秦人捐甲徒裎以趨敵，左挈人頭，右挾生虜，夫秦卒之與山東之卒也，

猶孟賁之與怯夫也，以重力相壓，猶烏獲之與嬰兒也。夫戰孟賁烏獲

之士，以攻不服之弱國，無以異於墮千鈞之重，集於鳥卵之上，必無幸

矣。幸不破碎無是理也。

諸侯不料兵之弱，食之寡，而聽從人之甘言好辭，比周

以相飾也，皆言曰：『聽吾計，則可以強霸天下。』夫不願社稷之長利，

而聽須臾之說，詐誤人主者，無過於此者矣。

大王不事秦，秦下甲據宜陽，斷絕韓之上地，東取成皋宜陽，則鴻

臺之宮，桑林之苑，非王之有已。夫塞成皋，絕上地，則王之國分矣。先事秦，則安矣；不事秦，則危矣。夫造禍而求福，計淺而怨深，逆秦而順趙，雖欲無亡，不可得也。故爲大王計，莫如事秦。秦之所欲，莫如弱楚，而能弱楚者，莫如韓，非以韓能強於楚也，其地勢然也。今王西面而事秦，以攻楚，敝邑秦王必喜。惠文夫攻楚而私其地，轉禍而說秦，計無便於此者。也是故秦王使使臣獻書大王御史，須以決事！」

韓王曰：「客幸而教之，請比郡縣，築帝宮，祠春秋，稱東藩，效宜陽。」

客卿爲韓說秦

客卿爲韓謂秦王武曰：「韓珉之議，知其君，不知異君；知其國，不知異國。言知己而不知人，爲不知秦王發端。彼公仲者，秦勢能誣之，以秦之強首之者，

珉爲疾矣。

謂秦之強韓珉以兵向之其議必病於國。

進齊宋之兵至首垣。韓進之遠薄梁

郭所以不反魏者。

令魏。

以爲成，猶和。

而過南陽之道，欲以四國西首也。

此晉珉遣四國之兵以攻秦也。首垣，魏地，至首垣薄梁郭而不與魏反，蓋欲與魏相過南陽而西攻秦也。

所以不者，也。

攻秦不果。

皆曰以燕亡於齊。

喪地。

魏亡於秦。

喪地。

陳蔡亡於楚。

亡國。

此皆

絕地形，大小相絕，而四國輕以小敵大故亡。

羣臣比周以蔽其上，大臣爲諸侯輕國也。

羣臣不果伐秦之言，皆蔽上輕國也。

今王位正，

能正貴賤之位。

張儀之貴，不得議公孫郝，是從臣

愛習而侍從者，謂

儀，不事大臣。

魏郝。

也，公孫郝之貴，不得議甘茂，則大臣不得事近臣矣。

謂茂嘗無羣臣交通之蔽。

貴賤不相事，各得其位，輻湊以事其上，則羣臣之賢不

肖，可得而知也，王之明一也。

公孫郝嘗疾齊韓，而不加貴。

病二國而不爲加重。

則爲大臣不敢爲諸侯輕國矣，齊韓嘗因公孫郝而不受，

二國常因郝以交秦，而郝不受其因。

則諸侯不敢因羣臣以爲能矣，外內不相爲，則諸侯之情僞，

可得而知也，王之明二也。

公孫郝鄴里疾，請無攻韓、陳軍陣。而辟去，王猶攻之也，宜陽之役。甘茂約楚趙，而反敬魏，是且搆我。茂且攻宜陽，王猶校之也。茂黨魏者，楚趙當時與魏不合，茂合楚趙而反敬魏，且將搆難於我，其欲攻宜陽，至猶檢察之。羣臣之智，無幾於王之明者，謂上四事。臣故願公仲之國以待聽命。於王，而無自左右也。」謂不必因羣臣。

或諫公叔輕秦

謂公叔曰：「乘舟，舟漏，而弗塞，則舟沈矣。塞漏舟而輕陽侯之波，則舟覆矣。今公自以爲辦治也。於薛公而輕秦，是塞漏舟而輕陽侯之波也，願公之察也！」

或說韓公仲爲秦魏之和

或謂韓公仲曰：「夫攣子之相似者，唯其母知之而已；夫利害之相似者，唯智者知之而已；今公國其利害之相似，正如攣子之相似也。得其道爲之，則主尊而身安；不得其道，則主卑而身危。今秦魏之和成，而非公適兩束之，謂秦魏自成，非出於公仲之約。則韓必謀矣，謂必謀與二國和。若韓隨魏以善秦，是爲魏從也，從人而已。則韓輕主卑矣；秦已善韓，必將置其所愛信者，令用事於韓以完之，全秦之事。是公危矣。今公與安成君韓人。爲秦魏之和，成固爲福，不成亦爲福，秦魏之和成，而公適兩束之，是韓爲秦魏之門戶也。喻兩國由我而成也。是韓重而主尊矣；安成君東重於魏，而西重於秦，操右契而爲公責德於秦魏之王，公仲制和爲德於秦，今責其報。裂地而爲諸侯，公之事也。言當務此。若夫安韓魏而終身相聽者也，勢必相違。秦怒於不得魏，必欲善韓以塞魏，魏不聽，秦必務善韓以備秦，是公擇布而割也。布喻秦猶爲下也。

魏割喻制之。秦魏和則兩國德公，不和，則兩國爭事公，所謂成爲福，不成亦爲福者也，願公之無疑也！」

或說公仲以韓合秦

叶。今字作令，文

或謂公仲曰：「今有一舉而可以忠於主，便於國，利於身，願公之行之也。今天下散而事秦，則韓最輕矣，今天下合而離秦，則韓最弱矣，合離之相續，則韓最先危矣，此君國長民之大患也。今公以韓先合於秦，天下隨之，是韓以天下事秦，秦之德韓也厚矣，韓與天下朝秦，而獨厚取德焉，公行之猶此計，是其於主也至忠矣；天下不合秦，秦令而不聽，秦必起兵以誅不服，秦久與天下結怨搆難，而兵不決，韓息士民以待其疊，韓也。公行之計，是其於國也大便也。昔者周陁以西周善於秦，而封於梗陽，周啓以東周善於秦，而封於平原，今公以韓善秦，韓之重

先計，謂不待先
計而知韓之重
於周也。

於兩周也，無先計，而秦之爭機也。在己之計無先於此，在秦則爲爭言欲之急機言不可失。萬於周之時，今公以韓爲天下先合於秦，秦必以公爲諸侯，以明示天下，
公行之計，是其於身大利也，願公之加務也！」

釐王

蘇代爲韓說秦

韓人攻宋，秦王昭大怒，曰：「吾愛宋與新城、陽晉同也，韓珉與我交，而攻我所甚愛，何也？」蘇代因爲韓說秦王曰：「韓珉之攻宋，所以爲王也，以韓之強，輔之以宋，楚、魏必恐，恐必西面事秦，王不折一兵，不殺一人，無事而割安邑，此韓珉之所以禱於秦也。」

言以此求事秦。

秦王曰：「吾固患韓之難知，一從一橫，言反不定。此其說何也？」韓難知，而代說如此，何也？對曰：「天下固令韓可知矣，下文皆不欲秦韓之合，是天下令韓可知矣。韓故

或說公仲以韓合秦 蘇代爲韓說秦

已攻宋矣，其西事秦，以萬乘秦也。自輔，不西事秦，則宋地不安矣，雖得宋地，不能自安。中國白頭游敖之士，皆積智欲離秦韓之交，伏軾結韁東馳者，未有一人言善韓者也；伏軾結韁西馳者，未有一人言善秦者也。皆不欲秦韓之合者何也？則晉楚智而韓秦愚也。同而圖之。晉楚合，必伺韓秦，韓秦合，必圖晉楚，請以決事。」秦王曰：善。

或說鄭王尊秦以定韓

謂鄭王曰：「昭釐侯一世之明君也，申不害一世之賢士也。韓與魏敵，牟之國也；申不害與昭釐侯執圭而見梁君，非好卑而惡尊也，非慮過而議失也。申不害之計事曰：『我執圭於魏，魏君必得志於韓，必外靡於天下矣。』靡、蔑視之。是魏敝矣。諸侯惡魏，必事韓，是我俛於一人之下，而信於萬人之上也。夫弱魏之兵而重韓之權，莫如朝魏。」昭釐侯

聽而行之，明君也；申不害慮事而言之，忠臣也。今之韓弱於始之韓，而今之秦強於始之秦，今秦有梁君之心矣。謂欲人尊事之。而王與諸臣不事爲尊秦。不以尊秦爲事。以定韓者，臣竊以爲王之明，爲不如昭釐侯，而王之諸臣，莫如申不害也。

昔者秦穆公一勝於韓原，而霸西州；晉文公一勝於城濮，而定天子，此皆一勝立尊。謂霸。令成功名於天下。今秦數世強矣，大勝以十數，小勝以百數，大之不王，小之不霸，名尊無所立，制令無所行。諸侯不從其令。然而春秋用兵者，非以求主尊成王於天下也。志於尊王而已。昔先王之攻，有爲名者，有爲實者；爲名者攻其心，使之心服。爲實者攻其形；謂地與民。昔者吳與越戰，越人大敗，保於會稽之上。吳人入越而戶撫之，越王使大夫種行成於吳，請男爲臣，女爲妾，身執禽犬贊也。謂執事者。而隨諸御，吳人果聽其辭，與成而不盟，此攻其心者也。其後越與吳戰，吳人大敗，亦請

男爲臣，女爲妾，反以越事吳之禮事越，越人不聽也，遂殘吳國而禽夫差，此攻其形者也。今將攻其心乎？宜使如吳，攻其形乎？宜使如越。夫攻形不如越，而攻心不如吳，而君臣上下少長貴賤畢呼霸王，臣竊以爲猶之井中，而謂曰：『我將爲爾求火也。』

東孟之會，聶政之副。 舊政陽堅，

刺相兼君，許異

韓人。

蹙列侯而殞之，

立以爲鄭君，韓氏之衆無不聽令者，則許異爲之先也。是故列侯爲君，而許異終身相焉，而韓氏之尊許異也，猶其尊列侯也。今日鄭君不可得而爲也，雖終身相之焉，然而吾弗爲云者，豈不爲過謀哉？

言無前日之難

可以久相，而曰不爲者，過也。昔齊桓公九合諸侯，未嘗不以周襄王之命，然則雖尊襄王，桓公亦定霸矣。九合諸侯之尊桓公也，猶其尊襄王也。今日天子不可得而爲也，雖爲桓公，然而吾弗爲云者，豈不爲過謀而不知尊哉？此欲其尊秦。

韓氏之士數十萬，皆戴列侯以爲君，而許異獨取相焉者，無他也。諸侯之君，無不任事於周室也，而桓公獨取霸者，亦無他也。知所尊而已。今強國將有帝王之譽，謂秦。而以國先者，此桓公、許異之類也，豈可不謂善謀哉？夫先與強國之利，強國能王，則我必爲之霸，強國不能王，則可以避其兵，使之無伐我；然則強國事成，則我立帝而霸，強國之事不成，猶之厚德我也，今與強國，今謂韓。強國之事成，則有福，不成則無患，然則先與強國者，聖人之計也！」

燕

文公

蘇秦始以合從說燕

或說鄭王尊秦以定韓

蘇秦始以合從說燕

蘇秦將爲從，北說燕文侯曰：「燕東有朝鮮遼東，北有林胡樓煩，西有雲中九原，南有呼沱易水，地方二千里，帶甲數十萬，車七百乘，騎六千匹，粟支十年，南有碣石鴈門之饒，北有棗栗之利，民雖不田作，棗栗之實，足食於民矣，此所謂天府也；夫安樂無事，不見覆軍殺將之憂，無過燕矣。大王知其所以然乎？夫燕之所以不犯寇被兵者，以趙之爲蔽於其南也。秦趙五戰，秦再勝而趙三勝，秦趙相敵，而王以全燕制其後，此燕之所以不犯難也。」

且夫秦之攻燕也，踰雲中九原，過代上谷，彌地踵道數千里，雖得燕城，秦計固不能守也。秦之不能害燕亦明矣。今趙之攻燕也，發號出令，不至十日，而數十萬之衆，軍於東垣城矣，度呼沱，涉易水，不至四五日，而距國都矣，故曰：『秦之攻燕也，戰於千里之外；趙之攻燕也，戰於百里之內。』夫不憂百里之患，而重千里之外，計無過於此者，是故願

大王與趙從親，天下爲一，則國必無患矣。」

燕王曰：「寡人國小，西迫強秦，促近齊趙，齊趙強國，今主君幸教，詔之合從以安燕，敬以國從！」於是齎蘇秦車馬金帛以至趙。

王噲

蘇代爲燕謀齊

當是說昭王。

蘇秦死，其弟蘇代欲繼之，乃北見燕王噲曰：「臣東周之鄙人也，竊聞王義甚高甚順，鄙人不敏，竊釋繩轡而干大王，至於邯鄲，所聞於邯鄲者，又高於所聞東周，臣竊負其志，乃至燕廷，觀王之羣臣下吏，大王天下之明主也。」

觀臣知主。

趙王惡秦陽之專權，故蘇秦初說而短之。燕之說而短之，燕之權在於大臣，故代初說而即游揚其羣臣下吏，此皆揣摩之術也。

蘇秦始以合從說燕 蘇代爲燕謀齊

魏者，王之援國也，今王奉仇讎以伐援國，非所以利燕也。王自慮此，則計過，無以諫者，非忠臣也。」王曰：「寡人之於齊趙也，非所敢欲伐也。」曰：「夫無謀人之心，而令人疑之殆；有謀人之心，而令人知之拙；謀未發而聞於外，則危。今臣聞王居處不安，食飲不甘，思念報齊，身自削甲札，札木簡牌之薄者，甲用革爲之。妻自組甲絳，編組穿甲之繩。曰有大數矣，有之乎？」王曰：「子聞之，寡人不敢隱也。我有深怨積怒於齊，而欲報之，二年矣。齊者，我讎國也，故寡人之所欲伐也，直患國敝，力不足矣。子能以燕敵齊，寡人奉國而委之於子矣。」

對曰：「凡天下之戰國七，而燕處弱焉，獨戰則不能，有所附則無不重，南附楚則楚重，西附秦則秦重，中附韓魏則韓魏重，且苟所附之國重，此必使王重矣。今夫齊王，閔長主也，而自用也，不如燕之附人。南攻楚五年，稽積散，西困秦三年，秦爲齊困。民憔悴，士罷敝，北與燕戰，覆三軍，獲

二將，而又以其餘兵南面，西_{二作而}舉五千乘之勁宋，而包十二諸侯，此其君之欲得也。得其欲其民力竭也，安猶取哉？言齊不可復攻取且臣聞之，數戰則民勞，久師則兵敝。」

王曰：「吾聞齊有清濟濁河，可以爲固，有長城鉅防，足以爲塞，誠有之乎？」對曰：「天時不與，雖有清濟濁河，何足以爲固！民力窮敝，雖有長城鉅防，何足以爲塞！且異日也，濟西不役，養兵以備敵所以備趙也；河北不師，所以備燕也；今濟西河北盡以役矣，封內敝矣，夫驕主必不好計，而亡國之臣貪於財，王誠能母愛寵子弟以爲質，寶珠玉帛以事其左右，彼且德燕而輕亡宋，輕者易爲之，然則前言舉未亡也。則齊可亡已。」

王曰：「吾終以子受命於天矣！」曰：「內寇不與，謂謀敵齊，在內亂而不和。外敵不可拒，不能制內，則不可以拒外。王自治其外，謂治於外。臣自報其內，謂治於內。此乃亡之之勢也。」

續上起下法。

蘇代因淳于髡以說齊

蘇代爲燕說齊，未見齊王。閔先說淳于髡曰：「人有賣駿馬者，比猶連。

三日立市，人莫之知。往見伯樂曰：「臣有駿馬，欲賣之。」比三日立於市，人莫與言。願子還而視之，去而顧之。臣請獻一朝之費。」伯樂乃還而視之，去而顧之。一旦而馬價十倍。今臣欲以駿馬見於王，莫爲臣先後者。爲之助。足下有意爲臣伯樂乎？臣請獻白璧一雙，黃金千鎰，以爲馬食。」

淳于髡曰：「謹聞命矣！」入言之王而見之，齊王大說蘇子。

或說燕王以兵合三晉

或獻書燕王曰：「王而不能自恃，弱國必得援。不惡卑名以事強，事強、

倒法。

可以令國安長久，萬世之善計也。以事強而不可以爲萬世，則不如合弱，將奈何？合弱而不能如一，此臣之所爲山東苦也。比目之魚，不相得則不能行，故古之人稱之，以其合兩而如一也。今山東合弱而不能如一，是山東之智不如魚也。又譬如車士之引車也，三人不能行，索二人，五人而車因行矣。今山東三國弱，魏韓趙也。而不能敵秦，索二國，因能勝秦矣。然而山東不知相索者，智故不如車士矣。胡與越人，言語不相知，志意不相通，同舟而凌波，至其相救助如一也。今山東之相與也，如同舟而濟，秦之兵至，不能相救助如一，智又不如胡越之人矣。

三物者，

以上三事。

人之所能爲也，山東主遂不悟，此臣之所爲山東

山東相合數句，
疑有脫誤。

苦也。願大王之熟慮之也。山東相合之主者，不惡卑名之國者，可長存，
言山東欲存，唯不逐自卑者可也。之卒者，之猶其也。出土以戍韓梁之西邊，此燕之上計也。不急爲此，國必危矣。王必大憂！今韓梁趙三國已合矣，秦見三晉

之堅也，必南伐楚。趙見秦之伐楚也，必北攻燕。物固有勢異而患同者，
秦之伐韓，故中山亡。秦不暇救，故趙亡之。今秦之伐楚，燕必亡。趙亡之。臣竊爲王
計，不如以兵南合三晉，約成韓梁之西邊，山東不能堅爲此，此必皆亡。
「燕果以兵南合三晉也。」

昭王

張儀以連衡說燕

張儀爲秦破從連橫，謂燕王曰：「大王之所親，莫如趙。昔趙王以其姊爲代王妻，欲并代，約與代王遇於句注之塞，乃令工人作爲金斗，長其尾，令之可以擊人。與代王飲，而陰告廚人曰：『卽酒酣樂，進熱歠，飲也。』卽因反斗擊之。」於是酒酣樂，進取熱歠，廚人進斟羹，因反斗而擊代王，殺之，王腦塗地。其姊聞之，摩笄以自刺也，故至今有摩笄之山。

天下莫不聞夫趙王武靈之狼戾無親大王之所明見知也。

且以趙王爲可親耶？趙興兵而攻燕，再圍燕都而劫大王，大王割十城，乃卻以謝。趙王已入朝覲池，效河閒以事秦，今大王不事秦，秦下甲雲中九原，驅趙而攻燕，則易水長城，非王之有也。且今時趙之於秦，猶郡縣也，不敢妄興師以征伐，今大王事秦，秦王必喜，而趙不敢妄動矣，是西有強秦之援，而南無齊趙之患，是故願大王之熟計之也！」

燕王曰：「寡人蠻夷僻處，雖大男子，裁如嬰兒，言不足以求正謀，不足以決事，今上客幸而教之，請奉社稷西面而事秦，獻常山之尾五城。」

燕昭，賢智主也，非儀此說能震動，然而聽之也卑甚。蓋拊摩新附之民，勢未可以有事，又諸國從之者衆，故爲卑辭以紓其國，是儀之橫有天幸也。加之數年，收集繕治有其緒，則若云者，固昭王之所唾而棄者。史言蘇氏重復燕使約，兒不哉，獨燕王從如初，此昭王之素所蓄積也。

六國恊於秦威，而驩張儀皆嬰兒不哉，獨燕王。

郭隗說燕昭王

諸指作屈已。

燕昭王收破燕後，卽位，卑身厚弊以招賢者，欲將報讎。故往見郭隗先生曰：「齊因孤國之亂，而襲破燕，孤極知燕小力少，不足以報，然得賢士與共國，以雪先王之恥，孤之願也！敢問以國報讎者奈何？」郭

隗先生對曰：「帝者與師處，王者與友處，霸者與臣處，亡國與役處，役」

僕役。謂指折節。而事之，北面而受學，則百己者至，先趨而後息，先彼趨走後

彼安息。

先問而後嘿，則什己者至，人趨使人趨事之。則若己者至，馮几據杖，眄

視指使，則廝役之人至，若恣睢奮擊，跔籍跳躍踏籍。叱咄，則徒隸之人至

矣，此古服道事有道者。致士之法也；王誠博選國中之賢者，而朝其門下，

天下聞王朝其賢臣，天下之士必趨於燕矣。」

昭王曰：「寡人將誰朝而可？」郭隗先生曰：「臣聞古之君人，有

隗之所陳說美矣，但其所論致士之道，爲出於有意，非委靡好體之良非古也。然區區徇其主於報怨之爲，亦不類三代。

湊作趣。

以千金求千里馬者，三年不能得。涓人言於君曰：『請求之。』君遣之，三月得千里馬，馬已死，買其首五百金，反以報君。君大怒曰：『所求者生馬，安事死馬而捐五百金？』涓人對曰：『死馬且買之五百金，況生馬乎？天下必以王爲能市馬，馬今至矣。』於是不能期年，千里之馬至者三。今王誠欲致士，先從隗始。隗且見事，況賢於隗者乎？豈遠千里哉！

於是昭王爲隗築宮而師之，樂毅自魏往，鄒衍自齊往，劇辛自趙往，士爭湊燕。燕王弔死問生，與百姓同其甘苦。二十八年，國殷富，士卒樂佚輕戰。於是遂以樂毅爲上將軍，與秦、楚、三晉合謀以伐齊。齊兵敗，閔王出走於外，燕兵獨追北，入至臨淄，盡取齊寶，燒其宮室宗廟。齊城之不下者，唯獨莒卽墨。燕昭、郭隗皆三代人也，欲爲國雪恥，君臣問對，專欲得賢士而事之，此無競唯人。

之誼也，欲無與得乎？

蘇代遺書燕昭王

齊伐宋，宋急。蘇代乃遺燕昭王書曰：「夫列在萬乘，而寄質於齊，燕前有一子質於齊。名卑而權輕，奉齊助之伐宋，民勞而實費，破宋殘楚淮北，宋鄰也，宋破則此地殘。肥亦大。大齊，讎強而國弱也。此三者皆國之大敗也。而足下行之，將欲以除害取信於齊也。宋者齊之害。而齊未加信於足下，而忌燕也愈甚矣。然則足下之事齊也，失所爲矣。夫民勞而實費，又無尺寸之功，破宋肥讎，而世負荷其禍矣。足下以宋加淮北，強萬乘之國也。并宋與楚淮北，則萬乘而強。而齊并之，是益一齊也；北夷即山戎方七百里，加之以魯衛，晉齊且舉宋，且并此數國。此所謂強萬乘之國也。而齊并之，是益二齊也。夫一齊之強，而燕猶不能支也。今乃以三齊臨燕，其禍必大矣。」

雖然，臣聞智者之舉事也，轉禍而爲福，因敗而成功者也；齊人紫，

齊桓公好服紫，當時士素不得一紫。敗素也，而賈十倍，取敗素以爲紫，而價反十倍，正轉敗爲功意。
秦於敗掌，燕氏兄弟盡天下第
一舌也。

齊桓公好服紫，當時士素不得一紫。敗素也，而賈十倍，取敗素以爲紫，而價反十倍，正轉敗爲功意。越王

勾踐棲於會稽，而後踐吳霸天下，此皆轉禍而爲福，因敗而爲功乎？則莫如遙霸齊而厚尊之，使之盟於周室，背秦而使齊主盟盡焚天下之秦符約曰：「夫上計破秦，其次長賓客秦。」秦挾賓客以待破，史云：其次長賓之秦，挾賓以待破。賓卽搢，二客字誤。秦王必患之，

秦五世以結諸侯，今爲齊下，秦王之志，苟得窮齊，不憚以一國都爲功，將割以賂與國。然而王何不使布衣之人，以窮齊之說說秦，謂秦王曰：『燕

趙破宋，肥齊尊齊，而爲之下者，燕趙非利之也，弗利而勢爲之者，何也？以不信秦王也。今王何不使可以信者，接收燕趙，令涇陽君若高陵君，二君秦王母弟。先於燕趙，秦有變，謂背二國。因以爲質，則燕趙信秦矣。秦爲西帝，趙爲中帝，燕爲北帝，立爲三帝而令諸侯，韓魏不聽，則秦伐之，齊不聽，則燕趙伐之，天下孰敢不聽？天下服聽，因驅韓魏以攻齊，曰：「必反

伐作危。

宋地而歸楚之淮北。」夫反宋地而歸楚之淮北，燕趙之所同利也，並立三帝，燕趙之所同願也；夫實得所利，名得所願，則燕趙之棄齊也，猶釋敝蹏。今王之不收燕趙，則齊霸必成矣；諸侯戴齊，而王獨弗從也，是國伐也。秦受齊伐。諸侯戴齊，而王從之，是名卑也；王不收燕趙，名卑而國危，王收燕趙，名尊而國寧；夫去尊寧而就卑危，智者不爲也。』秦王聞若說也，必如刺心。言其切已。然則王何不務使智士以若此言說秦？秦伐齊必矣。夫取秦上交也，伐齊正利也，尊上交，務正利，聖王之事也。』

燕昭王善其書，曰：「先人嘗有德蘇氏，賈秦合從。子之之亂，而蘇氏去燕，燕欲報仇於齊，非蘇氏莫可。」乃召蘇氏，復善待之，與謀伐齊，竟破齊，閔王出走。

蘇代自解於燕昭王

蘇代謂燕昭王曰：「今有人於此，孝如曾參孝已，信如尾生高廉，如鮑焦史鯀，兼此三行以事王，奚如？」王曰：「如是，足矣。」對曰：「足下以爲足，則臣不事足下矣，臣且處無爲之事，歸耕乎周之上地，耕而食之，織而衣之。」王曰：「何故也？」對曰：「孝如曾參孝已，則不過養其親耳，信如尾生高，則不過不欺人耳，廉如鮑焦史鯀，則不過不竊人之財耳；今臣爲進取者也，臣以爲廉不與身俱達，不苟取，故多窮。義不與生俱立，仁義者，自完之道也，非進取之術也。」

王曰：「自憂不足乎？」憂亦完也，不完則憂。對曰：「以自憂爲足，則秦不出穀塞，齊不出營丘，楚不出疏章，三王代位，五霸改正，皆以不自憂故也，若自憂而足，則臣亦周之負籠耳，何爲煩大王之廷耶？昔者楚取章武，諸侯北面而朝，秦取西山，諸侯西面而朝，曩者使燕母去失周室之上，上地燕嘗攻得而不取。則諸侯不爲別馬而朝矣。首同軌而朝燕。臣聞之，善爲事

者，先量其國之大小，而揆其兵之強弱，故功可成，而名可立也。不能爲事者，不先量其國之大小，不揆其兵之強弱，故功不可成，而名不可立也。今王有東嚮伐齊之心，而愚臣知之。」

王曰：「子何以知之？」對曰：「矜_彷軺砥劍，登丘東嚮而歎，是以愚臣知之。今夫烏獲舉千鈞之重，行年八十而求扶持，故齊雖強國也，西勞於宋，南罷於楚，則齊軍可敗，而河閒可取。」燕王曰：「善。吾請拜子爲上卿，奉子車百乘，予以此爲寡人東游於齊。_{爲燕閒齊。}何如？」對曰：「足下以愛之故與，何不與愛子，與諸舅叔父負牀之孫，_{言倚牀立未能行也。}不得，而乃以與無能之臣，何也？王之論臣何如人哉？今臣之所以事下者，忠信也，恐以忠信之故見罪於左右。」

王曰：「安有爲人臣，盡其力，竭其能，而得罪者乎？」對曰：「臣請爲王譬。昔周之上地，嘗有之，其丈夫官三年不歸，其妻愛人，其所愛者

五語畢反
八猶然。

曰：『子之丈夫來，則且奈何乎？』其妻曰：『勿憂也，吾已爲藥酒而待其來矣。』已而其丈夫果來，於是因令其妾酌藥酒而進之，其妾知之，半道而立，慮曰：『吾以此飲吾主父，則殺吾主父，以此事告吾主父，則逐吾主母，與殺吾主父逐吾主母者，寧佯躡而覆之。』於是因佯僵而仆之。其妻曰：『爲子之遠行來之故，爲美酒，今妾奉而仆之。』其丈夫不知，縛其妾而笞之，故妾所以笞者，忠信也；今臣爲足下使於齊，恐忠信不諭於左右也。臣聞之曰：『萬乘之主，不制於人臣，十乘之家，不制於衆人，匹夫徒步之士，不制於妻妾。』而又況於當時之賢主乎？臣請行矣，願足下之無制於羣臣也！』

蘇代爲燕紛齊趙

蘇代爲奉陽君說燕於趙以伐齊，奉陽君不聽，乃入齊。代入惡趙，

與一作令。
透取，陰取也。
下文無涉。

令齊絕於趙。齊已絕於趙，因之燕，謂昭王曰：「韓爲謂臣曰『人告奉陽君曰：「使齊不信趙者，蘇子也。令齊王閼召蜀子，使不伐宋者，蘇子也。與齊王謀遁取秦以謀趙者，取言與之合。蘇子也。令齊守趙之質子以甲者，又蘇子也。」請告子以請齊，請以上四事告奉陽君，以請於齊。果以守趙之質子以甲，吾必守子以甲。」亦以甲守齊子。其言惡矣。雖然，王勿患也。臣故知入齊之有趙累也。言趙惡代。出爲之以成所欲，知有累而奮爲之，欲謂利燕。臣死而齊大惡於趙，臣猶生也。今齊趙絕，可大紛亂也。已，特臣非張孟談也，使臣也如張孟談也，齊趙必有爲智伯者矣。

奉陽君告朱譙與趙足

二皆趙人。此下代稱奉陽之言。

齊王使公玉曰：

齊人。命兌曰：「必不反韓珉，今召之矣，言故反前，下類此。必不任蘇子以事，今封父順。」其順也，甚於其父。始與蘇子爲讎，見之如無厲，今賢之兩之，以代劉賈，與之並

倍燕，因齊不信，
趙與秦陽君遂

倍齊苟可循也

愛。已矣吾無齊矣。」

首與齊絕。

奉陽君之怒甚矣，此下代自言。如齊王之不信

句疑有訛注皆

不通或可上當
有不字方接得

下文或可即不

字訛。

代意謂使代死

而齊趙不相順

可也使齊趙以

交之分爲由於

代惡之而復相

順此代所以爲

患而未死也。

代既不死而爲

逃又謂韓結之

順皆由於齊於

是爲之取秦而

深結趙以勸之

則三國不順而

近於相攻矣雖

爲之爲逃也。

趙而小人奉陽君也，待之爲小人。因是而倍之，齊因此倍趙。不以今時大紛之解而復合，則後不可奈何也。故齊趙之合，苟可循也，死不足以爲臣患，逃不足以爲臣恥，爲諸侯不足以爲臣榮，被髮自漆爲厲，不足以爲臣辱；

齊趙相攻。

是臣之患也，若臣死而必相攻也，而後相效，二國相順而致效。

臣必勉之而求死焉。堯舜之

賢而死，禹湯之智而死，孟賁之勇而死，烏獲之力而死，生之物，固有不死者乎？在必然之物，死者人之必然。以成所欲，王何疑焉？臣以不若逃而去

之，詐以罪逃去。臣以韓魏循自齊，言假韓魏而至齊。而爲之取秦，言爲齊以交秦，是勸齊所以怒趙也。深結趙以勁之，而燕復厚結於趙，是勸趙以怒齊也，勁猶厚。如是則近於相攻也，臣

雖爲之不累燕。

奉陽君告朱讙曰：「此下首不果燕之實。」蘇子怒於燕王之不以吾故，以

也。疑代之無燕

用也，吾指秦陽。弗予相，又不予以卿也。予、昔蘇子自予也。殆無燕矣。』其疑至於此，燕

王善代，而秦陽謂其怒燕者，疑也。故臣雖爲之不累燕，擬代怒燕，故代雖爲燕粉二國，二國不怨燕也。

伊尹而下終上

不欲王，不欲燕

用代也。

伊尹再逃桀而之湯，果與鳴條之戰，而以

湯爲天子，伍子胥逃楚而之吳，果與伯舉之戰，而報其父之讐。今臣逃

而紛齊，趙始可著於春秋，且舉大事，孰不逃桓公之難？管仲逃於魯陽

死，晉逃主於紛齊，蓋齊得趙猶

不紛，故紛齊者

於絕趙於齊，此代之本旨也。然

游辭甚矣。

游辭甚矣。

燕以攻齊，敗之。

蘇代獻書燕王

蘇代自齊獻書於燕王曰：「臣之行也，固知將有口事，昔人謂之故

爲人聞者，均有
此六患。

獻御書而行。

獻符御者以書。

曰：臣貴於齊，燕大夫將不信臣，臣賤，將輕臣，臣

用，將多望猶貴。

於臣，齊有不善，

謂惡燕。

將歸罪於臣；天下不攻齊，將曰善

爲齊謀，天下攻齊，將與其兼貿猶賣。

臣，臣之所重處，重卵猶賣累卵。

也。王謂

臣曰：吾必不聽衆口與讒言，吾信汝也，猶列眉也，上可以得用於齊，次

可以得信於下，苟無死，女無不爲也，以女自信可也。與之言曰：

王與之。

『去燕之齊可也，期於成事而已。』臣受令以任齊，得任於齊。及五年，齊數

出兵，未嘗謀燕，齊趙之交，一合一離，燕不與齊謀，趙則與趙謀齊，

燕與齊

謀趙，實欲離齊於趙，代因與趙謀齊以成燕之謀。

齊之信燕也，至於虛北地，

言不設備，齊北近燕。

行

其兵，以北兵伐它國。今王信田伐，與參去疾之言，二人譏代者。且攻齊，使齊犬馬

而不言燕。使齊如犬馬制於人，又不泄燕之謀。今王又使慶燕臣。令臣，曰：吾欲用所善，

王苟欲用之，則臣請爲王事之，王欲釋釋同。臣，專任所善，則臣請歸釋

事，臣苟得見，則盈願。』燕昭即位，志復齊難，非一日矣。樂毅至燕在十七年後，又十年始合五國以破齊。

方其患齊之強，志未逞也。蘇代之徒，爲之閒齊離趙之交，激秦之怒，勸之以伐宋，驕其兵而罷其師，齊卒以亡。代有力焉，而世不數何也？蓋毅之爲燕約結，信義服人，卒用以此勝，何暇乎代之爲哉！代之輕詐反覆，效用於燕，亦昭王之賢明有以御之，非所以成功也。

蘇代約燕昭王書

言秦之恃，獨此無游辭。

秦召燕王，燕王欲往。蘇代約猶止。齊王曰：「楚得枳而國亡，齊得宋而國亡，齊楚不得以有枳宋事秦者何也？是則有功者，秦之深讎也。」言此以見克齊者，秦之所惡也。秦取天下，非行義也，暴也。秦之行暴，正告於天下，顯然而告天下。告楚曰：「蜀地之甲，輕舟浮於汝，乘夏水而下漢，四日而至五渚，寡人積甲宛東下隨，智者不及謀，勇者不及怒，寡人如射隼矣，喻易。王乃待天下之攻函谷，不亦遠乎？」楚王爲是之故，十七年事秦。秦正告韓曰：「我起乎少曲，

封。當如封函谷
之封。

一日而斷太行，我起乎宜陽而觸平陽，二日而莫不盡繇。晉搘我離兩周而觸鄭，五日而國舉。」韓氏以爲然，故事秦。秦正告魏曰：「我舉安邑，塞女戟，韓氏太原卷，斷絕下輶道，道南陽封冀，封封陵、冀冀也，皆魏境。兼包兩周，乘夏水，浮輕舟，強弩在前，銛戟在後，決滎口，魏無大梁，決白馬之口，魏無濟陽，決宿胥之口，魏無虛頓丘，陸攻則擊河內，水攻則滅大梁。」魏以爲然，故事秦。

秦欲攻安邑，恐齊據之，則以宋委於齊曰：「宋王無道，爲木人以象寡人，射其面，寡人地絕兵遠，不能攻也。王苟能破宋有之，寡人如自得之。」已得安邑，塞女戟，因以破宋爲齊罪。秦欲攻韓，恐天下救之，則以齊委於天下曰：「齊王四與寡人約，四欺寡人，必率天下以攻寡人者三，有齊無秦，無齊有秦，必伐之，必亡之。」已得宜陽少曲，致藺離石，因以破齊爲天下罪。秦欲攻魏重楚，恐楚擊其後，則以南陽委於楚曰：「寡

人固與韓且絕矣，殘均陵，塞鼈隘，苟利於楚，寡人如自有之。」魏棄與國而合於秦，因以塞鼈隘爲楚罪。兵困於林中，重燕趙，以膠東委於燕，以濟西委於趙，已得講於魏，質公子延秦子。因犀首屬行而攻趙。謂連兵相續。兵傷於譙石，遇敗於馬陽，並趙地。而重魏，則以葉蔡委於魏，已得講於趙，則劫魏，魏不爲割，困則使太后穰侯爲和，贏則兼欺舅與母。贏謂勝。

適燕者曰以膠東

適謫同，即上云因以爲罪。

適趙者曰以濟西，適魏者曰以

葉蔡，適楚者曰以塞郿阨，適齊者曰以宋，此必令其言如循環，言其無窮不可致詰。

用兵如刺蝟，喻易。

母不能知，舅不能約。龍賈之戰，岸門之戰，封陵

之戰，高商之戰，趙莊之戰，秦之所殺三晉之民數百萬，今其生者皆死

秦之孤也；西河之外，上雒之地，三川晉國之禍，三晉之半。言上三地被禍，居晉

國之半。秦禍如此其大，而燕趙之私交秦者，皆以爭事秦說其主，此臣之所大患。」

燕昭王不行，蘇代復重於燕。燕反約諸侯從親，如蘇秦時，或從或否，而天下由此宗蘇氏之從約。代厲皆以壽死，名顯諸侯。

蘇代爲燕說趙王

趙且伐燕，蘇代爲燕謂惠王趙惠文曰：「今者臣來過易水，蚌方出曝，而鶴啄其肉，蚌合而箝其喙。鶴曰：『今日不雨，明日不雨，卽有死蚌。』蚌亦謂鶴曰：『今日不出，明日不出，卽有死鶴。』兩者不肯相舍，漁者得而并擒之。今趙且伐燕，燕趙久相支，以敝大衆，臣恐強秦之爲漁父也，故願王之熟計之也！」惠王曰：「善。」乃止。

惠王

樂毅去燕適趙

首級發功，簡而
盡。

戰國策精華 卷二

一三四

昌國君樂毅爲燕昭王合五國之兵而攻齊，下七十餘城，盡郡縣之，以屬燕。三城未下，而燕昭王死，惠王卽位，用齊人反閒，疑樂毅，而使騎劫代之將。樂毅奔趙，趙封以爲望諸君。齊田單欺詐騎劫，卒敗燕軍，復收七十餘城以復齊。燕王悔，懼趙用樂毅，承燕之敝以伐燕，燕王乃使人讓樂毅，且謝之曰：「先王舉國而委將軍，將軍爲燕破齊，報先王之讎，天下莫不振動，寡人豈敢一日而忘將軍之功哉！」會先王棄羣臣，寡人新卽位，左右誤寡人，寡人之使騎劫代將軍，爲將軍久暴露於外，故召將軍且休計事。將軍過聽，以與寡人有隙，遂捐燕而歸趙。將軍自爲計則可矣，而亦何以報先王之所以遇將軍之意乎？」

望諸君乃使人獻書報燕王曰：「臣不佞，不能奉承先王之教，以順左右之心，恐抵斧質之罪，以傷先王之明，而又害於足下之義。無罪而殺，非義也。故遁逃奔趙，自負以不肖之罪，故不敢爲辭說；今王使使者數

書中多是說此二句。

之罪，臣恐侍御者之不察先王之所以畜幸臣之理，而又不白於臣之所以事先王之心，故敢以書對。

臣聞賢聖之君，不以祿私其親，功多者授之，不以官隨其愛，能當者處之，故察能而授官者，成功之君也。論行而結交者，立名之士也。臣以所學者觀之，先王之舉錯，有高世之心，故假節於魏王出關則以節傳之。而以身得察於燕，先王過舉，擢之乎賓客之中，而立之乎羣臣之上，不謀於父兄，而使臣爲亞卿，臣自以爲奉令承教，可以幸無罪矣，故受命而不辭。先王命之曰：『我有積怨深怒於齊，不量輕弱，而欲以齊爲事。』

臣對曰：『夫齊霸國之餘教，而驟勝之遺事也，閑於兵甲，習於戰攻，王若欲攻之，則必舉天下而圖之，舉天下而圖之，莫徑於結趙矣。且又淮楚欲得淮北，魏欲得宋，時皆屬齊。趙若許約，楚魏宋盡力，四國攻之，齊可大破也。』先王曰：『善。』臣乃口受令，具符節，南使臣至、捷也。

成功立名，是一
篇主意。
所學與篇末奉
教君子相應。

言先王功大，
然以自明。

於趙顧反命，起兵隨而攻齊。以天之道，先王之靈，河北之地，隨先王舉而有之於濟上。濟上之軍，奉令擊齊，大勝之，輕卒銳兵，長驅至國，齊王逃遁走莒，僅以身免。珠玉財寶，車甲珍器，盡收入燕。大呂陳於元英，呂樂名。故鼎反乎歷室，官名。齊器設於寧臺，薊丘之植，植於汶篁，言燕之薊丘所植，植齊王汶上之竹。自五霸以來，功未有及先王者也。先王以爲慊於其志，以臣爲不頓墜命，故裂地而封之，使之得比乎小國諸侯。臣不佞，自以爲奉令承教，可以幸無罪矣，故受命而弗辭。

臣聞賢明之君，功立而不廢，故著於春秋，蚤知之士，名成而不毀，故稱於後世。若先王之報怨雪恥，夷萬乘之強國，收八百歲之蓄積，乃至棄羣臣之日，餘令詔後嗣之遺義，執政任事之臣，所以能循法令，順庶孽者，新立之君，皆患庶孽之亂，昭王預順之。施及萌隸，皆可以教於後世。臣聞善作者不必善成，善始者不必善終。昔者伍子胥說聽乎闔閭，故吳王遠迹。

悽愴感惻，所謂
長歌之悲，過於
勸哭。

此蓋明其不輔
趙攻燕，以解惠
王之疑也。以戰
國反覆之世，而
有如毅觀其言
數奉教於君子，
則所學必有自
來矣。
忠臣之去，也，
字一作國。

至於郢夫差弗是也，不然子胥之說。賜之鴟夷而浮之江，故吳王夫差不悟先論之可以立功，故沈子胥而弗悔，子胥不蚤見主之不同量，故入江而不改；夫免身全功，以明先王之迹者，臣之上計也，離_遺毀辱之非，墮_造義之先王之名者，臣之所大恐也，臨不測之罪，以幸爲利者，_{卽所謂乘燕之敵}義之所不敢出也。臣聞古之君子，交絕不出惡聲，忠臣之去也，不潔其名，臣雖不佞，數奉教於君子矣，恐侍御者之親，左右之說，而不察疏遠之行也，故敢以書報，惟君之留意焉！」

王喜

燕王以書謝樂閒於趙

燕王喜使栗腹以百金爲趙孝成王壽，酒三日，反報曰：「趙民其壯者皆死於長平，其孤未壯，可伐也。」王乃召昌國君樂閒毅子，而問

樂毅去燕適趙 燕王以書謝樂閒於趙

書詞條達婉麗。

曰：「何如？」對曰：「趙，四達之國也，其民皆習於兵，不可與戰。」王曰：「吾以倍攻之，可乎？」曰：「不可。」曰：「以三可乎？」曰：「不可。」王大怒，左右皆以爲趙可伐，遽起六十萬以攻趙，令栗腹以四十萬攻鄗，使慶秦以二十萬攻代。趙使廉頗以八萬遇栗腹於鄗，使樂乘以五萬遇慶秦於代，燕人大敗，樂閒入趙。燕王以書且謝焉，曰：「寡人不佞，不能奉順君意，故君捐國而去，則寡人之不肖明矣，敢端正其願，欲復用之。而君不肯聽，故使使者陳愚意，君試論之。」

語曰：「仁不輕絕，智不輕怨。」君之於先王也，世之所明知也，寡人望有非，則君掩蓋之，不虞君之明罪之也，望有過，則君教誨之，不虞君之明棄之也，且寡人之罪，國人莫不知，天下莫不聞，君微出明怨，言
聞雖無出之，趙以明有怨於我，人亦知之。以棄寡人，寡人必有罪矣。雖然，恐君之未盡厚也，諺曰：「厚者，不毀人以自益也，仁者，不危人以要名。」故掩人之

邪者，厚人之行也。救人之過者，仁者之道也。世有掩寡人之邪，救寡人之過，非君孰望之？今君厚受位於先王以成尊，輕棄寡人以快心，則掩邪救過，難得於君矣。且世有薄而故厚施，行有失而故惠用，今使寡人任猶負。不肖之罪，而君有失厚之累，於爲君擇之也，擇其所處。無所取之。

國之有封疆，猶家之有垣牆，所以合好掩惡也。室不能相和，出語鄰家，未爲通計也。怨惡未見而明棄之，未爲盡厚也。寡人雖不肖乎？未如殷紂之亂也。君雖不得意乎？未如商容箕子之累也。然則不內蓋寡人，而明怨於外，恐其適足以傷於高而薄於行也。非然也。苟可以明君之義，成君之高，雖任惡名，所謂任不肖之罪。不難受也。本欲以爲明寡人之薄，而君不得厚，揚寡人之辱，而君不得榮，此一舉而兩失也。義者不虧人，以自益，況傷人以自損乎？君無以寡人不肖，累往事之美。

昔者柳下惠吏於魯，三黜而不去，或謂之曰：『可以去。』柳下惠

曰：「苟與人之異，惡往而不黜乎？猶且黜乎，寧於故國爾！」柳下惠不以三黜自累，故前業不忘，不以去爲心，故遠近無議。今寡人之罪，國人未知，而議寡人者遍天下。語曰：『論不修心，凡有修者，先必有失，而善論者不然。』議不累物，仁不輕絕，智不簡猶棄。功。』簡棄大功者輶也，輕絕厚利者怨也，輶而棄之，怨而累之，宜在遠者。陳遠臣可耳。不望之乎君也，今以寡人無罪，不善於心。以成而過，不顧先王，以明而惡。』使寡人進不得修功，退不得改過，君之所揣也，唯君圖之！此寡人之愚意也。』敬以書謁之，樂閒乘怨，不用其計，一人卒留趙不報。

燕太子使荆軻刺秦王

荆軻焚於期高
漸離皆激烈士，
何其巧相值也？

子丹患之，謂其太傅鞠武曰：「燕秦不兩立，願太傅幸而圖之！」武對曰：「秦地遍天下，威脅韓魏趙氏，則易水以北未有所定也，奈何以見陵之怨，丹質秦，秦遇之不善。欲批其逆鱗哉？」太子曰：「然則何由？」太傅曰：

「請入圖之。」

居之有間，樊將軍亡秦之燕，太子客之。太傅鞠武諫曰：「不可！夫秦王之暴，而積怨於燕，足爲寒心，又況聞樊將軍之在乎？是以委肉當餓虎之蹊，禍必不振救矣。雖有管晏，不能爲之謀也。願太子急遣樊將軍入匈奴以滅口，請西約三晉，南連齊楚，北講於單于，然後乃可圖也。」太子丹曰：「太傅之計曠日彌久，心惛然恐不能須臾；言憂思昏暫且死，須臾不能待。且非獨於此也，夫樊將軍困窮於天下，歸身於丹，丹終不迫於強秦，而棄所哀憐之交，置之匈奴，是丹命固卒之時也。知聃且至而猶爲之自擬命止於此。願太傅更慮之！」鞠武曰：「燕有田光先生者，其智深而慮沈，

可與之謀也。」太子曰：「願因太傅交於田先生可乎？」鞠武曰：「敬諾。」

出見田光，道太子願圖國事於先生。田光曰：「敬奉教。」乃造焉。太子跪而逢迎，郤行爲道，跪而拂席。田先生坐定，左右無人，太子避席而請曰：「燕秦不兩立，願先生留意也！」田光曰：「臣聞驥驥盛壯之時，一日而馳千里，至其衰也，駑馬先之。今太子聞光壯盛之時，不知吾精已消亡矣；雖然，光不敢以乏國事也。不令所圖有闕所善荆軻衛人，可使者也。」太子曰：「願因先生得交荆軻可乎？」田光曰：「敬諾。」則起趨出。太子送之至門，戒曰：「丹所報，先生所言者，國大事也，願先生勿泄也！」田光俛而笑曰：「諾。」

僂行見荆軻曰：「光與子相善，燕國莫不知。今太子聞光壯盛之時，不知吾形已不逮也，幸而教之曰：『燕秦不兩立，願先生留意也。』

光竊不自外，言足下於太子，願足下過太子於宮！」荆軻曰：「謹奉教！」由光曰：「光聞長者爲行，不使人疑之。今太子約光曰：『所言者國之大事也，願先生勿泄也。』是太子疑光也。夫爲行而使人疑之，非節俠士也。」立氣勢，作威福，結私交，以立強於世，謂之俠。欲自殺以激荆軻，曰：「願足下急過太子，言光已死，明不言也。」遂自剄而死。

軻見太子，言田光已死，致光之言，太子再拜而跪，膝下行，流涕，有頃而後言曰：「丹所請田先生不言者，欲以成大事之謀，今田先生以死明不泄言，豈丹之心哉！」荆軻坐定，太子避席頓首曰：「田先生不知丹不肖，使得至前，願有所道，此天所以哀燕而不棄其孤也。今秦有貪利之心，而欲不可足也，非盡天下之地，臣海內之王者，其意不饜。今秦已虜韓王，盡納其地，又舉兵南伐楚，北臨趙，王翦數十萬之衆，距漳、鄴，而李信出太原、雲中，趙不能支。秦必入臣，入臣則禍至燕，燕小弱，數

困於兵，今計舉國不足以當秦，諸侯服秦，莫敢合從。丹之私計，愚以爲誠得天下之勇士使於秦，闕以重利，示之以利。秦王貪其贊，必得所願矣。誠得劫秦王，使悉反諸侯之侵地，若曹沫之與齊桓公，則大善矣；則不可，因而刺殺之，彼大將擅兵於外，而內有大亂，則君臣相疑，以其閒，諸侯得合從，其償秦必矣。此丹之上願，而不知所以委命，唯荆卿留意焉！」久之，荆軻曰：「此國之大事也，臣驚下，恐不足任使。」太子前頓首，固請無讓，然後許諾。於是尊荆軻爲上卿，舍上舍。太子日日造門下，供太牢，具異物，閒進車騎美女，恣荆軻所欲，以順適其意。

久之，荆軻未有行意。秦將王翦破趙，虜趙王，盡收其地，進兵北略地，至燕南界。太子丹恐懼，乃請荆卿曰：「秦兵旦暮渡易水，則雖欲長侍足下，豈可得哉？」荆卿曰：「微太子言，臣願得謁之。今行而無信，則秦未可親也。夫樊將軍，秦王購之金千斤，邑萬家，誠能得樊將軍首，與

燕督亢之地圖獻秦王，秦王必說見臣，臣乃得有以報太子。」太子曰：「樊將軍以窮困來歸丹，丹不忍以己之私，而傷長者之意，願足下更慮之！」荆軻知太子不忍，乃遂私見樊於期曰：「秦之遇將軍，可謂深矣，父母宗族，皆爲戮沒。今聞購將軍之首，金萬斤，邑萬家，將奈何？」樊將軍仰天太息流涕曰：「吾每念常痛於骨髓，顧計不知所出耳！」軻曰：「今有一言，可以解燕國之患，而報將軍之仇者，何如？」樊於期乃前曰：「爲之奈何？」荆軻曰：「願得將軍之首，以獻秦王，秦王必喜，而善見臣，臣左手把其袖，而右手揕其胸，然則將軍之仇報，而燕國見陵之恥除矣。將軍豈有意乎？」樊於期偏袒扼腕而進曰：「此臣之日夜切齒腐心，痛極乃今得聞教！」遂自刎。太子聞之，馳往伏屍而哭極哀；既已無可奈何，乃遂盛樊於期之首，函封之。

於是太子預求天下之利匕首，得趙人徐夫人匕首，取之百金，使

工以藥淬之，以試人，血濡縷。沾濡衣之一縷。人無不立死者，乃爲裝，遣荆軻。燕國有勇士秦武陽，年十三，殺人，人不敢與牾。逆也。視乃令秦武陽爲副。荆軻有所待，欲與俱，其人居遠未來，而爲留待。頃之未發，太子遲之，疑其有改悔，乃復請之曰：「日已盡矣，荆卿豈無意哉！」丹請先遺秦武陽！荆軻怒，叱太子曰：「今日往而不反者，豎子也！」今提一匕首，入不測之強秦，僕所以留者，待吾客與俱，今太子遲之，請辭決矣！」遂發。太子及賓客知其事者，皆白衣冠以送之。至易水上，旣祖，取道，高漸離擊筑，荆軻和而歌，爲變徵之聲。變徵爲商，蓋悲音。士皆垂淚涕泣；又前而爲歌曰：「風蕭蕭兮易水寒，壯士一去兮不復還！」復爲羽聲。其音怒。慷慨，壯士不得志也。士皆瞋目，髮盡上衝冠。於是荆軻遂就車而去，終已不顧。

既至秦，持千金之資幣物，厚遺秦王寵臣中庶子蒙嘉，嘉爲先言於秦王曰：「燕王誠振怖大王之威，不敢興兵以逆軍吏，願舉國爲內

長操是閉也。

臣比諸侯之列，給貢職如郡縣，而得奉守先王之宗廟，恐懼不敢自陳，謹斬樊於期頭，及獻燕督亢之地圖函封，燕王拜送於庭，使使以聞大王，唯大王命之！」秦王聞之大喜，乃朝服，設九賓，見燕使者咸陽宮。荆軻奉樊於期之頭函，而秦武陽奉地圖匣以次進，至陛，秦武陽色變振恐，羣臣怪之。荆軻顧笑武陽，前爲謝曰：「北蠻夷之鄙人，未嘗見天子，故振慴，願大王少假借之，使得畢使於前。」秦王謂軻起，取武陽所持圖，軻旣取圖奉之，秦王發圖，圖窮而匕首見，因左手把秦王之袖，而右手持匕首揕之。未至身，秦王驚，自引而起，袖絕，拔劍，劍長，操其室。時惶急，劍堅故不可立拔。荆軻逐秦王，秦王環柱而走，羣臣驚愕，卒起不意，盡失其度；而秦法羣臣侍殿上者，不得持尺寸之兵，諸郎中執兵，皆陳於殿下，非有詔不得上方急時，不及召下兵，以故荆軻逐秦王，而卒惶急，無以擊軻，而乃以手共搏之。是時侍醫夏無且以其所奉藥囊提
過

也。荆軻；秦王方環柱走，卒惶急不知所爲；左右乃曰：「王負劍！」王負劍，遂拔以擊荆軻，斷其左股。荆軻廢，乃引其匕首提秦王，不中，中柱。秦王復擊荆軻，軻被八創。軻自知事不就，倚柱而笑，箕踞以罵曰：「事所以不成者，乃欲以生劫之，必得約契。復地之契。以報太子也。」左右旣前斬荆軻，秦王目眩良久。已而論功賞羣臣及當坐者，罪所當坐。各有差，而賜夏無且黃金二百鎰，曰：「無且愛我，乃以藥囊提荆軻也。」

於是秦大怒燕，益發兵詣趙，詔王翦軍以伐燕。十月而拔燕薊城，燕王喜太子丹等皆率其精兵東保於遼東；秦將李信追擊燕王，王急，用代王嘉計，殺太子丹，欲獻之秦。秦復進兵攻之，五歲而卒滅燕國，而虜燕王喜，秦兼天下。

其後荆軻客高漸離，以擊筑見秦皇，而以筑擊秦皇，爲燕報。荊軻之有高漸離，即舜政之有姊，皆天生奇絕也。

宋

景公

墨子說止楚王攻宋

公輸般爲楚設機，將以攻宋。墨子聞之，百舍

百里一舍。

重繭，累舐如繭。

往見公輸般，謂之曰：「吾自宋聞子，吾欲藉子殺王。」公輸般曰：「吾義固不殺王。」墨子曰：「聞公爲雲梯將以攻宋，宋何罪之？有義不殺王而攻國，是不殺少而殺衆，敢問攻宋何義也？」公輸般服焉，請見之王。

墨子見楚王曰：「今有人於此，舍其文軒，鄰有敝輿而欲竊之，舍其錦繡，鄰有短褐而欲竊之，舍其粱肉，鄰有糟糠而欲竊之，此爲何若人也？」王曰：「必爲有竊疾猶辭矣。」墨子曰：「荆之地方五千里，宋

方五百里，此猶文軒之與敝輿也。荆有雲夢，犀兕麋鹿盈之，江漢魚鼈鼈鼈爲天下饒。宋所謂無雉兔鮒魚者也，此猶梁肉之與糟糠也。荆有長松文梓楩楠豫樟，宋無長木，此猶錦繡之與短褐也。臣以王吏之攻宋，爲與此同類也。」王曰：「善哉！請無攻宋。」

剔成

臧孫子料荆不救宋

齊攻宋，宋使臧孫子索救於荆，荆王威大說，許救之，甚勸。臧孫子憂而反，其御曰：「索救而得，有憂色，何也？」臧孫子曰：「宋小而齊大，夫救於小宋，而惡於大齊，此王之所憂也。而荆王說甚，必以堅我，我堅而齊敵，荆之利也。」臧子乃歸。齊王宣果攻拔宋五城，而荆王不至。

君偃

宋君偃不善應祥

宋王之時，有雀生驥期於城之陬，使史占之，曰：「小而生巨，必霸天下。」王大喜。於是滅滕伐薛，取淮北之地，乃愈自信，欲霸之速成。故射天笞地，斬社稷而焚滅之，曰：「威服天下鬼神。」罵國老諫臣，爲無顏之冠，以示勇。剖偃之背，鑿刻也。朝涉之脰，而國人大駭。齊聞而伐之，民散城不守，王乃逃倪侯之館，侯其臣也。遂得病而死。見祥而不爲祥，反爲禍。

衛

靈公

此春秋時。

復塗偵諫衛靈公

宋君偃不善應祥

復塗偵諫衛靈公

至言失時之喻

衛靈公近癰疽鑿之幸者。彌子瑕彌之幸者。一人者，專君之勢，以蔽左右。復塗塗，猶人。值猶人。謂君曰：「昔者臣夢見君。」君曰：「子何夢？」曰：「夢見竈君。」君忿然作色曰：「吾聞夢見人君者，夢見日。今子奚爲夢見竈君，而言燐，炎燐也。君也？」對曰：「日，辨燭天下者也。一物不能蔽也。若竈則不然。前人之君也。」則後之人無從見也。今臣疑人之有燐於君者也。是以夢見竈君。」君曰：「善。」於是因廢癰疽彌子瑕，而立司空狗。

嗣君

至言失時之喻

衛人迎新婦，婦上車，問：「驂馬，誰馬也？」御曰：「借之。」新婦謂僕曰：「拊驂，無笞服。」皆音愛也。車至門，扶扶婦下。教送母曰：「滅竈，將失火。」入室見臼，曰：「徒之牖下，妨往來者。」主人笑之。此三言者，皆至

言也，然而不免爲笑者，蚤晚之時失也。

中山

中山君以壺飧得士

中山君饗都士大夫，司馬子期中山人在焉，羊羹不遍。司馬子期怒而走於楚，說楚王昭伐中山。中山君亡，有二人挈戈而隨其後者，中山君顧謂二人：「子奚爲者也？」二人對曰：「臣有父，嘗餓且死，君下壺殮臣父，臣父且死，曰：『中山有事，汝必死之！』故來死君也！」中山君喟然而仰歎曰：「與不期衆少，其於當厄，言施與當在厄時怨不期深淺，其於傷心，傷人之心，雖淺怨也。吾以一杯羊羹亡國，以一壺飧得二死士！」

